

綿津山人詩集



亨

10750

綿津山人詩集卷八

雙江倡和集上

商丘宋



聞蟬

淒切空庭外新蟬作意吟  
數聲殘雨後一樹碧烟  
深物候他鄉得羈愁薄  
暮侵柴門高柳下幾日  
許披襟

和前韻

華亭

錢柏齡介維

薄暮虛堂外新蟬嘒嘒吟  
好音傳院靜嘉樹逼檐  
深過雨聽偏切臨風感  
易侵故園何處所林際  
想綿津山人詩集

卷八 雙江倡和集上

開襟

秋日同錢介維遊東勝山

留滯雙江上招尋一窟間  
老僧何處去初地任躋  
攀浥雨佛桑落窺人山  
鷗閒風流錢翊在吟罷  
月中還

奉和前韻

柏齡

望去招提境悠然林壑間  
使君愛幽賞羣從樂追  
攀時其崇維德苔色入秋淨  
禽聲薄暮聞小山有

明月留醉不知還

詠庭蕉用松陵集新竹韻

蕉林高十丈櫛比羅前楹白日不能下綠天杳冥  
冥色割鴨頭水葉蠹爰居翎好移青玉案就此碧  
雲屏雨至衆響激風定微煙生但苦三秋夜月不  
遍閒庭疎衣鹿可覆甘露酒能醒何須美人號紅  
萼發清馨炎州寡霜雪庶同松柏零

和前韻

柏齡

甘蕉環數抱森綠浮軒楹苞固若義竹聳蠹連蒼  
冥何來垂天翼委此青雲翎兀然樓閣表突起芙  
蓉屏翻風碧靄動過雨飛流生炎威熾西陸廣蔭  
月中庭揮毫事已邈覆鹿夢未醒偃仰高林下襟  
袖餘幽馨終古飽霜霰蒼翠無時零

綿津山人詩集

卷八

雙江倡和集上

二

虔州雜詩用子瞻八境臺韻八首

縹緲江城百尺樓羣公飛蓋此銷憂星槎到日追  
隨數遠泛應憐博望侯

鈞輶鳥語去仍還雲樹雙江起暮寒自笑遊踪逐  
坡老十年前亦宦齊安

崆峒山畔暮雲堆風起芙蓉次第開向夕空庭堪  
拄笏連天積翠月中來

誓師江上憶陽明讀罷遺編客夢醒惆悵斯人今  
不見荒祠落日影亭亭

何日還參馬祖禪  
花宮巖際自歸然  
捫蘿擬搨題名字  
嗜古從人笑茂先

江關烽火幾年中  
壯士今歌零雨濛  
帆影蕭條鴻在野  
雙流嗚咽自西東

無復當年章貢臺  
鬱孤荒阜素馨開  
殷勤獨有悲秋客  
倚杖看雲到草萊

雨餘竹樹影參差  
耿耿孤懷明月知  
且喜尋常了公事  
木蘭花下任題詩

和前韻

柏齡

千雉層城霞作樓  
烽烟初罷四郊憂  
憑高漫擬休

綿津山人詩集

卷八 雙江倡和集上

三

文詠幾見揮毫博  
徹侯

檐前越燕乍飛還  
滾滾雙流到檻寒  
檻外去帆輕似葉  
臨風不獨憶長安

天南無限翠螺堆  
一徑梅花五嶺開  
不是炎州消戰伐  
春帆那得佛桑來

蘭臺奉使號神明  
飛蓋登臨幾醉醒  
遲日紅牙敲欲遍  
寄情塵外一閒亭

時牧庵使君選詩餘塵外集

競說當年馬祖禪  
層崖松柏自森然  
等閒閱盡塵中客  
孰是能持半偈先

縹緲金精出望中  
洞天雲氣日空濛  
佳人已共風

塵絕采采蒹葭一水東

謂魏徵君兄弟

千秋李勉已無臺贏得幽襟此地開乘興復尋清

獻蹟女墻高處有荒萊

青峰紺宇互參差暮靄凝來杳不知遲得金波湧

江畔一天澄碧照題詩

宣城表啟旭士旦

和前韻  
突兀城闌起畫樓西風憑眺一增憂三湘百粵多

烽火辛苦專征盡列侯  
何處漁竿釣月還東來煙水上衣寒驚心最是新  
巢鵲三匝初歸夢未安

綿津山人詩集

卷八 雙江倡和集上

四

十八灘頭蔓草堆疎林破屋晚煙開誰家解唱邊  
庭曲玉篴風中過枕來

深松掩映夕陽明亂罷山川似夢醒一自眉山人  
去後江聲冷落到旗亭

獨客齋心似老禪亂山秋木坐蒼然登臨且酌他  
鄉酒愛有橙香入座先

吳楚關山暮靄中一行煙艤破冥濛銷魂怕及賓  
鴻候風雨驅人五嶺東

百戰經過賸此臺秋風吹動木蘭開孤雲明滅雙  
江外莫遣新愁到草萊

迴岡雉堞吐參差石徑荒涼野老知昨日使君天  
上至醉捫高壁共題詩

宋牧仲使君邀集城南精舍

寧都魏禮和公

愛避繁華境招提作勝遊高僧殊磊落名士足風  
流地僻難消暑心閒易得秋使君饒逸興不減庾  
公樓

次韻酬魏和公處士

花宮逢魏野如向易堂遊易堂爲處士兄弟讀書處人靜苔堪

藉林深翠欲流高言驚法侶勝地得清秋擬識崆

綿津山詩集卷八雙江倡和集上

峒面長吟上小樓

同集奉和

柏齡

初地一何僻相將得勝遊真同蓮社約不媿竹溪  
流白裕宜殘日黃橙報晚秋翠微雲卧處百尺有  
高樓

使院池上構小橋待和公漫賦一絕

秋水蒹葭極望遙新成略約一相邀他時應有閒  
人說使院牆東處士橋

次韻奉酬二首

禮

編木橫池逕未遙閒來不待主人邀使君風度真

巨曠夜踏青莎送板橋

麋鹿生成世事遙幽情偏愛使君邀蘇堤湖上稱  
名勝雙水千秋有宋橋

和公以榭榼見貽口占爲謝

客從山中來贈我山中果蠻榼名最佳入手何磊  
砢登盤十二枚所得亦已夥瀟灑風味殊豈在哀  
梨左一片世外香遠自翠微墮珍重處士遺惠而  
真好我題詩謝殷勤永言懷袖裏

次韻奉酬

禮

味澀不諧時榭榼類諫果其技能連理其幹癭磊

綿津山人詩集

卷八 雙江倡和集上

六

砢聊用物土宜袖攜未能夥顧邀使君珍置之玉  
盤左自慙謔誇姿行恐家聲墮使君云好之非果  
而以我敢效行冲言願得存藥裏

和前韻

柏齡

南國秋氣佳涼風薦百果處士投使君榭榼絕磊  
砢數顆良已微方欣所得夥顧茲高賢貽味與塵  
中左珍重閱圖經茗語燭花墮咄嗟成報章才盡  
獨慙我詩人感木桃行當什襲裏

佛桑

殷紅朵朵間輕黃花起重樓葉是桑過嶺定知梅

遜色殢人何必薺生香  
鷓鴣啼處紛愁態  
瘴癘開時爛曉粧  
珍重炎州來異種  
休將玉蘂說唐昌

和前韻

柏齡

瑪瑙殷紅淺赭黃  
朝暉暎處見扶桑  
當筵自共霞爭麗  
倅惡寧須麝比香  
戴勝降應驚別艷  
羅敷攀合妒新粧  
木棉嶺上開無數  
難向重樓擬樂昌

鬱孤臺歌

鬱孤臺迥寒雲浮  
城中坐見雙江流  
酸風一道射眸子  
我來正值天涯秋  
李公遺構已塵土  
碧草芊綿沒殘礎  
側身北望魏闕遙  
野日荒荒照前浦  
奔瀉盪滴山嵯峨  
千年霸氣何其多  
誰是姚江後來者  
蒼茫倚杖徒悲歌

和前韻

柏齡

鬱孤之臺鼇背浮  
江波迴合煙雲流  
飛梯十丈拔空起  
想見輪奐凌千秋  
今我來遊但荒土  
無復方花列古礎  
仰天長嘯清風生  
蟬竦在東日南浦  
城頭雉堞何嵯峨  
週遭削出芙蓉多  
山中木客不可見  
月明彷彿來高歌

使院即事示介維

雙江如箭聒斜陽  
一髮中原是故鄉  
狼籍芭蕉堆



逕綠分明橘柚飽霜黃  
杯酬木客山中句  
衣染黎人海外香  
好趁瘴消秋雨後  
幽巖振策共錢郎

次韻奉酬

柏齡

官舍秋陰淡夕陽  
鱸魚消息渺江鄉  
紛披楚畹蘭叢秀  
冷落淮南桂藥黃  
載酒幾過池上釣  
檢書頻拂篋中香  
高唐麗藻元無敵  
此日風流屬省郎

題畫

楓林瑟瑟水泠泠  
望裏干尋石壁青  
誰寫子瞻當日句  
虔州城外古螺亭

和前韻

柏齡

綿津山人詩集

卷八 雙江倡和集上

八

溪山一曲似西泠  
落落修林望裏青  
應是倪迂高絕處  
更無人倚竹間亭

秋日用李義山韻

題詩同魯望客况未應知  
章貢容浮梗崆峒待采芝  
地幽行藥遍瘴暖得秋遲  
矯矯池邊鶴江湖有素期

和前韻

柏齡

秋氣渾無賴羈懷只自知  
聯吟惟宋玉染翰憶張芝  
木竹分甘遠扶桑競艷遲

木竹子翠微山果和公處士携來扶桑即

佛桑翠微峰頂屐應待小春期

附 步前韻

宋 基 維德

南樓終日坐客思竟誰知風急時聞杵山空憶  
采芝芭蕉經雨大橘柚待霜遲白袷新涼候悠  
然塵外期

山呼

嶺外禽名喚亦竒蒼衣素頰性多知漫將翠羽誇  
鸚鵡祇覺清音奪畫眉瘴海舊林歸夢遠朱籠斜  
日向人悲一聲婉轉西風冷玉輦空山有所思

和前韻

柏齡

炎方珍鳥見來竒閱遍禽經未得知金屋漫憐同

綿津山人詩集

卷八 雙江倡和集上

九

翠羽雪腮渾欲妒蛾眉喚殘碧海三更夢吟動蒼  
梧萬古悲誰把玉筍籠致爾異鄉飲啄起人思

丸藥示介維用皮日休夏首病愈因招魯望

韻

丸藥晨披白袷衣在公何異卧巖扉漫言帆影橫  
江少且喜花香入座微檻舞一雙仙蝶麗厨烹尺  
半鯉魚肥連朝拚得吟詩瘦祇要風流鬪陸機

次韻奉酬

柏齡

秋老虔南正葛衣披襟遙憶舊荆扉連宵候月來  
花外幾日攀蘿到翠微 謂魏徵處 曲沼網歸魚婢小

雕盤剥出荔奴肥仙郎座上惟酬和相對真堪息  
世機

宋牧仲使君留飲書齋即席有作

正韻

寧都魏

禧 水叔

秋晚尋醫過贛江使君遲我讀書堂風吹北院清  
歌隔雨灑東窗夜話長蘭簿交新渾似故橘盤坐  
久不聞香寂憐出語關民瘼手把醇醪未忍嘗

奉酬

歲晚相思隔贛江何期聽雨共蕉窗人驚世外來  
籃輦病起宵深對酒缸道德願留關尹喜風流真  
接鹿門龐寂憐萬石洪鐘在一寸孤莖未許撞

綿津山人詩集

卷八

雙江倡和集上

十

蕉花追和葉元禮韻

綠天但說濃陰好吐秀涼秋見未曾密藥暗依花  
瓣瓣孤芳倒壓葉層層香從暖發宜炎微露喜晨  
流慰茂陵采采正憐同菡萏何須修竹苦相繩

和前韻

柏齡

秋來綠蔭看逾好花發閒窗得未曾傲竹暗抽莖  
幾丈比蓮難盡瓣千層露深不藉銅盤受風至愁  
將絳節陵一種甘香真絕異楚騷空復美胡繩

遊通天巖作

宋陽行先隱  
此號玉巖翁

凌晨越章波杖策遵江徼野日破煙霏心間展遊  
眺稍窮林薄紆遂歷岡陵峭千巖如蹲鴟突兀藏  
靈輿旣至儼堂隍通天維一竅雕鏤信鬼工曲折  
存遺廟山根洞穴穿偃僂僧徒導豁然世界殊飛  
空巨石倒崎嶇難具陳盤礴發狂叫伊余厭塵囂  
探竒慰所好緬彼玉巖翁彷彿聞清嘯諸賢相繼  
來忘歸領其妙觸目多遐踪眷言託同調夕陽猿  
鳥鳴移情此雲嶠磨墨搦題名千年碧苔掃

和前韻

柏齡

蘭楫亂奔流筍輿出幽微磴路凌高寒晴空恣雄

綿津山人詩集

卷八

雙江倡和集上

十一

眺越彼停雲岡石勢愈巉峭仙源湛水木萬古藏  
解與鬼斧亦何工玲瓏鑿一竅碩人此盤礴千秋  
儼遺廟仰瞻愧後塵冥搜託前導更窮邃洞紆忽  
訝懸崖倒羣山青濛濛惟聞猿狖叫旣異少文遊  
良慰康樂好想見開闢初矯首發長嘯憑弔多古  
音歷覽收衆妙詎惜下里歌上擬白雪調待緝薜  
荔裳來卧芙蓉嶠爲問巖棲僧荒蘿幾人掃

月夜同介維暨子甚至著飲東勝山精舍

雙江風土連炎州歲暮那復披羊裘放衙行藥策  
藤杖長歌還向招提遊城隅一徑入蒼靄花關竹

塢藏層丘講堂開處碧苔滿余曾題作山之幽斜  
陽欲墮衆鳥集鷓鴣呼伴聲鉤輻俄驚紫燕舞墻  
角社日已過仍淹留僧言此地少霜雪臘月時或  
開奩榴我有嘉賓盛才調崢嶸賦手追應劉同來  
命酒待明月興酣落筆雲煙浮兒曹識字強學步  
微吟彷彿已人謳玉盤漸見湧林樾松篁影亂紛  
蛟蚪仰天大叫發狂態杯傾不盡章波流今夕何  
夕樂無極盤桓叢桂簪堪抽參橫月落下山去臨  
風徒倚空搔頭

和前韻

柏齡

綿潭山人詩集

卷八

雙江倡和集上

七

仙郎奉使來虔州倏忽夏葛還冬裘雙江政平日  
無事放衙常作花官遊此山突兀傍城角禪關曲  
折隨林丘白頭老僧意瀟灑手植百果耽清幽使  
君過此雨初霽山門寂歷停華輶擔壺挈榼踵相  
繼日云暮矣仍淹留木奴滿前香未了山茶欲傲  
炎天榴即此一壑足盤礴招隱何必淮南劉使君  
興至發高詠硬黃紙上松煙浮居然天庭振大呂  
非徒瑣細工吟謳羣從意氣盡磊落下筆恍見騰  
蛟蚪須臾暝煙淡叢薄中庭忽覩金波流新筍滿  
酌那辭醉狂來聊復殘毫抽沉沉銀箭催不起濡

墨擬黑張顛頭

寄懷牧仲虔州

新城

王士禛

阮亭

虔州界閩湘蘭蕙賤于草復有寶珠香玉雪映清  
曉江城微雨過炎瘴淨如掃高齋開八窗豁達涼  
風早方床黃琉璃卧起日杲杲清芬惱魂夢仙膚  
愛綦縞嶺外陸郎花未敢鬪媚好昨歲在京國冠  
蓋苦紛擾朱門多林塘無由聽啼鳥今年八境臺  
雙江入登眺間註詩楚騷多識不爲少遙憶書到  
時顛石風嫋嫋

次韻奉答

綿津山人詩集

卷八 雙江倡和集上

七

緊余別京畿嚴霜凋百草故人相祖送駐馬桑乾  
曉回首歲月遷舊跡忽如掃江山信阻修坐驚白  
髮早瘴癘積晨昏鮮見日杲杲素心寄瑤華不數  
延陵縞爲言章貢佳佩紉秋蘭好豈意當關勞羽  
檄嗟紛擾那窮雲壑幽聊復親花鳥時登八境臺  
側身中原眺迢迢霄漢間古道如君少心同訟閣  
鈴臨風恒嫋嫋

移寓四絕句寄宋牧仲員外

宣城

施閨章 愚山

新移客舍面朝陽容膝攤書即草堂向夕疎簾從

半捲好教明月到匡床

書聲不敵市聲喧恨少蓬蒿且閉門此地棲遲曾  
宋玉蘚牆零落舊題痕

葡萄霜際葉蕭森物色兼催遲暮心好處爭誇在  
三伏豔笙烏几綠陰深

年侵出處自嫌身望遠關關入夢頻嶺樹江雲秋  
未冷鷓鴣聲裏獨吟人

次韻奉答

虔州風土困驕陽上客堪誇有易堂安得宣城老  
詞伯翠微峰頂共匡床

綿潭山人詩集

卷八 雙江倡和集上

十四

我居京國厭塵喧手種葡萄綠滿門此日棲遲君  
亦得行吟應破舊苔痕

廬陵百戰氣蕭森疇昔耕桑節使心白鷺講堂何  
處覓空洲燐火亂宵深

愚山觀察廬陵  
日建白鷺書院

孤臺北望杖隨身迢遞雲霄尺素頻三案是非從  
此定乍聞館閣得斯人

歲暮集亦蘇堂即席限韻

握算眞何補霜華點鬢新山僧初薦果官閣正留  
賓心遠江湖狎時艱歲序頻自憐餘賦筆收拾嶺  
頭春

附步前韻

宋至

山言

遠道趨庭子雙江入望新  
銜杯酬勝地作賦擁  
嘉賓籠鳥窺人靜  
檐蕉過雨頻  
離歌猶未發  
覽  
眺及芳春

綿津山人詩集卷八終

綿津山人詩集

卷八

雙江倡和集上

十五



綿津山人詩集卷九

商丘宋 犖牧仲

雙江倡和集下

己未除夕喜吳遠度見過席上有作

今年元日留江東與君醉卧扁舟中今年除夕章  
水上與君又泛椒花紅人生邂逅亦難得吾徒令  
節誇奇逢當筵一笑快胸臆羈愁消遣隨春風何  
以贈我雙錦軸道子圖畫嗟神工更有華燈妙剪  
刻五枝青玉將無同張燈懸畫但鯨飲照耀使院  
驚兒童此邦暄暖盛花竹庭梅久已開芳叢素馨  
蘭蕙相繼發正宜登眺窮崆峒君言明發趨嶺嶠  
丹青貌取羅浮峰我亦江頭命短棹乘春謁 帝  
蓬萊宮賦詩守歲永今夕無令良會徒匆匆千門  
爆竹喧未了沉沉忽聽遙天鐘

和前韻

柏齡

吳君潑墨雄江東氣格不落丹青中得名海內三  
十載素髯欲改朱顏紅今年使君駐白下元辰柏  
酒曾相逢周郎題詩殊敏捷時雪客有作嗟峨青翰生  
條風春帆送我顛江去妙跡常憶梅花工逡巡流  
景三百六聯吟竊幸仙郎同只今除日日初夕雙

江爆竹喧兒童喜君至正匝歲中庭蘭蕙開芳  
叢贈有淋漓雙畫幅煙嵐彷彿凌空峒九微佳製  
更殊絕舉酌勝對鼇山峰頓使蘭臺動詞賦高吟  
聲協黃鐘宮佳辰勝事良未易羅浮策杖嗟匆匆  
明年聚首向何處還期同聽臺城鐘

題遠度畫三絕句

溪堂秋色佳楓葉空堦亂相對兩詩翁長歌竹里  
館

攤書兩忘言林間適煮茗門外獨何人沿溪曳煙  
艇

綿潭山人詩集

卷九 雙江倡和集下

二

小閣面前山紫翠當窗入看雲歸未歸長使樵童  
立

和前韻

柏齡

小築溪山幽秋色莽零亂若非灑西堂定是柴桑  
館

楓老欲作花竹煙知煮茗一編靜對餘目送迴溪  
艇

草閣雲邊開松濤空際入閣上復何人看山間竚  
立

喜彭躬庵處士過訪即席賦贈兼送往江南

千仞金精不可攀，荷衣今喜接江關。  
林巒採藥文章老，湖海盟鷗歲月閒。  
暮雨清樽留顛石，春風孤棹過廬山。  
南中耆舊凋零甚，誰與天涯數往還。

和前韻

柏齡

野服雙江喜乍攀，追陪彷彿到松關。  
不緣令尹冰心迥，那識真人紫氣閒。  
官舍梅花同一榻，春帆樽酒度千山。  
分攜寂寞冥鴻遠，梗泛何由得共還。

題遠度畫竹

柏齡

幽篠密復疎，蒼然倚卷石。  
春風坐彈琴，一嘯湘煙碧。

綿津山人詩集

卷九 雙江倡和集下

三

和前韻

何來柏水翁，翛然寫筠石。  
秋風便面生，一段瀟湘碧。

舟下十八灘，用林澹亭戶部遊南華寺韻

章貢此交流，水石驚千變。  
虎牙激奔濤，未許褰裳踐。  
鼓櫂念乘危，亭午忘朝膳。  
盤旋百折遙，象馬瞿塘見。  
摇摇三板船，遠下疾于箭。  
青山兩岸佳，咫尺不及盼。  
長年倚舵樓，目注心還戰。  
羨彼水上鷗，容與隨風便。  
纔經洄洑艱，又逐欽寄轉。  
楓林送啼鶉，沙渚竄野艇。  
暮過惶恐灘，漸覩江如練。  
蘋藻薦文

山斜月浮波面

和前韻

柏齡

顛水東萬山湍激紛詭變積雨添春波畫鷁喜初  
踐駛流挾微風冷然忘寢膳倏忽龍淵翻峻嶒虎  
牙見危埒駟注坡撇若弩送箭曲折爭毫芒瞬息  
不及盼縱有長年師心悸股亦戰所嗟萍梗踪難  
假羽翼便徒訝崖壁奇篷窗互迴轉深林聞鷓鴣  
洞穴愁猥狺行行薄五雲坐詠澄江練千里信輕  
帆快靚廬嶽面

舟過彭蠡望匡廬用澹亭遊懸空寺韻

綿津山人詩集

卷九 雙江倡和集下

四

昔我東遊登泰岱天下名山皆兒孫今從舟中望  
廬阜始知嶽外茲山尊排空援地幾萬仞身雖未  
至搖心魂香爐翠律插霄漢橫峰側嶺相崩奔虎  
溪何處鹿洞杳五老俯瞰南康門雨餘瀑布瀉衆  
壑間雲不蔽飛流痕俄驚野燒起邃谷炤耀石筍  
紛高蹲篷窗坐對嵐氣重湖光吞吐忘朝昏屏風  
九疊莽迴互神仙窟宅通崑崙匡生結廬已千載  
後來頻駐幽人軒林巒咫尺不可即生平微尚將  
誰論臨風三嘆廢眠食山靈知我愁懷繁願同白  
鶴鼓雙翅飄然獨向蒼巖翻

和前韻

柏齡

惟敷淺原見禹貢千秋嘉遯遊王孫蔚然靈秀甲  
天下職方羣嶽難稱尊夙從圖史艷名勝望見未  
得搖精魂春帆適過彭蠡渚積翠忽共洪濤奔側  
身仰望不可極橫壓地軸排天門是日日霽湖氣  
淨白雲歛盡無纖痕鑪峰劍峰總霄漢其下列阜  
如鳴蹲玉龍隱見掛千尺金波欲上白日昏虎溪  
鹿洞發幽想恍涉瑤海瞻崑崙斯時夜色淡天宇  
舵樓縹緲開層軒酌酒試揖五老飲飄然逸興誰  
堪論吁嗟匡君竟何許芙蓉自碧明星繁狂吟欲  
就風乍起篷窗卧聽驚濤翻

綿津山人詩集

卷九 雙江倡和集下

五

附步前韻

至

匡廬之山鎮南服峰如苞竹抽龍孫我來扁舟  
出其下巍然勢壓鄱湖尊屏風九疊散層翠一  
一突兀驚心魂千巖萬壑競趨赴茲山屹立看  
崩奔螺旋瓠剖望不極宵眇略辨山之門煙嵐  
歛盡雨初霽匹練猶掛掛飛流痕獨有五老更奇  
絕嵯峨各向晴空蹲東林開先邈何許鐘聲恍  
聽來黃昏須臾野燒起山半北燭碣石西崑崙  
髣髴絳節會羣帝定有白鹿隨飛軒吁嗟靈異

幻今古紛紛俗子誰堪論洞天咫尺渺難即愁  
吟徒使胸懷繁夜深風急雲似墨蛟龍欲起湖  
波翻

遊石鐘山次晦山大師韻二首

維舟依洞壑振策向孤峰吞吐江湖水崑崙上下  
鐘巖危蹲虎豹樹老走蛟龍目極風帆渺雲濤正  
盪胸

勝地水經著高文蘇子留嵐光侵縣市鐘響答江  
流鷗許尊前狎人驚戰後遊贊公今寂寞遺唱付  
滄洲

綿津山人詩集

卷九 雙江倡和集

六

和前韻

柏齡

天地來雙屐江湖壯此峰怒濤從齧石幽澗欲聞  
鐘徑轉迷荒雉巖虛凜蟄龍雲帆看不極萬里拓  
心胸

舟楫三春至江山百戰留孤城依疊嶂禪室枕奔  
流共策盧敖杖間追蘇子遊倚欄漁唱起落照滿  
前洲

附步前韻

基

匡廬猶在望更此歷危峰突兀松盤磴旬旬壑  
起鐘波光涵殿閣石勢走蛟龍搔首江天迴開

茲曠蕩胸

烽火三年後孤亭此尚留  
湍從深澗落石枕大  
江流畫舫乘春至花關  
逐伴遊萋萋芳草綠鷗  
鷺滿汀洲

附 步前韻

至

已盡匡廬勝登臨更此峰  
湍飛穿釣石風急悞  
僧鐘過眼帆隨雁驚心  
樹化龍春波逾浩蕩極  
望一開胸

蹋遍尋山屐征帆喜暫留  
風傳深谷響聲入大  
江流倚檻當斜日捫蘿  
憶舊遊坡公饒逸興長

綿津山人詩集

卷九 雙江倡和集下

七

嘯滿滄洲

江行

船尾紅旗獵獵斜江天遙  
度幾雲沙風輕日暖篷  
窗啓穩坐中流看九華

附 步前韻

宋 著 錦  
含

駘蕩輕風日欲斜雲煙縹  
緲接平沙舟人指點  
江天外朵朵芙蓉是九華

野泊

濤聲當暮急帆影落平沙  
白鳥窺魚網青山出菜  
花江湖行欲遍京國望還  
賒聞共篙師語汀洲片

月斜

和前韻

柏齡

落日來秋浦，征橈駐淺沙。  
煙生敲岸柳，香送遠村花。  
片月依人近，三山入望賒。  
誰憐未歸雁，江上數行斜。

附步前韻

至

荒陂朝雨過，淺水浴明沙。  
小泊隨漁舫，微香送菜花。  
春深江勢濶，鄉遠客愁賒。  
矯首煙汀外，峰高片月斜。

菽港避風二首

綿津山人詩集

卷九 雙江倡和集下

八

石尤風急舞江豚，悵望中流落照昏。  
遠岫連雲迷九子，驚濤捲雪下天門。  
煙生曲港輕帆集，潮打危磯廢壘存。  
多少齊梁遺恨在，漁歌款乃自沙村。  
春風小市賣河豚，薄暮津亭水氣昏。  
不住江濤崩荻岸，俄驚山月照松門。  
漁樵有淚遊兵過，鐘磬無聲古廟存。  
明發揚舸更東下，杜鵑啼處幾家村。

和前韻

柏齡

無邊雪浪捲江豚，風際收帆日欲昏。  
夾岸人家喧水市，半山佛刹隱松門。  
鳩茲路隔春雲杳，板子磯高古戍存。  
明月舵樓間對酒，數聲社鼓起遙村。



附步前韻

至

人家籬落散鷄豚  
板子磯頭日已昏  
一簇雲沙明荻港  
無邊雪浪走天門  
停橈野岸輕煙合  
吹角江樓古戍存  
篷底瓦甌堪獨酌  
朦朧斜月照孤村

登謫仙樓

危樓獨眺大江隈  
落日雲煙杖底開  
鞭撻風騷人不見  
憑陵樽酒月仍來  
松盤曲檻飄清籟  
碑仆空廊繡碧苔  
欲賦迎神還閣筆  
千秋慚對謫仙才

和前韻

拍齡

綿津山人詩集

卷九 雙江倡和集下

九

輕風斜日到江隈  
江上飛樓四望開  
萬古人同明月在三  
春客逐野鷗來  
丹青滿壁留雲嶠  
煙雨空庭積翠苔  
曠代風流誰繼起  
祇今獨羨出羣才

二老嘆

有序

余行大江以南見二老焉  
其行事有足異者  
爰著于篇命爲二老嘆  
竊比于白樂天之秦中吟云

維漢二千石爵高權亦專  
龔黃有遺烈千載揚簡編  
我行見太守名郡儼神仙  
出入擁旌旆道路恒喧闐  
簿書委官閣日午猶宴眠  
萬金設僧飯百金

開歌筵遂將惟正供揮霍如流泉昨奉大府牒責  
算庫藏錢漏卮其何補稱貸及市廛百端索屬吏  
湯火相熬煎稍稍囊橐充又復事管絃元宵觀火  
樹一樹值十千旁人爲太息座上方陶然嗟哉此  
一老霜華已盈顛但恣己所欲不問民顛連朝廷  
有功令煌煌日麗天何事位邦伯衰如充耳焉爰  
爲一老嘆用代相鼠篇

征商維古制本抑逐末人豈意當關者竟同虎豹  
蹲朝出楚江道帆檣蔽通津正值節使出冠蓋如  
雲屯僕從何赫奕登舟來算緡爰有吳地賈絲絮  
前具陳苛計溢銖兩遂櫻節使嗔敲扑等劇盜仍  
責贖罪銀稅一罰乃百敢不俛首遵揚揚方得意  
歸誇筵上賓嗟哉此一老貴遊名譽振胡爲遲暮  
年惟與阿堵親倒行而逆施觀此愴心神再爲一  
老嘆願勿效其輩

讀雙江倡和集作

閏章

坡公遊處路重經訝許詩人共客亭留得板橋  
長好在使星曾伴少微星

荔子桑花勸客杯匡雲東送片帆迴鬱孤臺畔  
休回首早捲雙江雪浪來

宜興 陳維崧 其年

君昔射虎蘄黃州虎腥亂濺青貂裘年來不作  
卞莊子慣逐我曹爲雅遊長安十子最籍籍格  
律妥帖推商丘雙江一編歛駭幻奇而不詭蒼  
然幽孟韓相值亦退舍萬牛轂觫迴其輻乃識  
使筆若使弩猛氣一撇誰能留朝士昨聞槎使  
到競詢蒟醬和安榴那知蕭然百無賸只有吟  
卷追曹劉鬱孤臺下聯水驛高檣如薺煙中浮  
清吟半入黎母唱一半散作珠娘謳日余捷關  
擁獨樹壽藤怪蔓纏蒼蚪配君此編兩踈豁樹

綿津山人詩集

卷九 雙江倡和集下

七

根仰讀嗟風流秋光連日劇無賴野籬菊藥行  
將抽何能與汝出城去倒騎烏犍西山頭用集  
中月

夜飲東勝山  
精舍原韻

莆田 林堯英 澹亭

屋背神鵲喧晴朝石根老柏垂勁條望子晨星  
久落落忽喜稅鞅塵聲消左停鞭弭右鞅屬有  
若逆水迴赤蛟竹寮炯炯好圍坐時牧仲同阮  
亭實庵澹亭

峨嵋蛟門方  
山集余寓齋

自言清興窮遊遠虔州二月春如

海雜花結障篔抽苞更躡鬱孤臺眺聽崩雲千  
丈迎飛潮碎訇雷鼓日奔吼崆峒天竺疑動搖

城南官閣靜無事不辭佳客頻招邀共剪谿藤  
命虎僕江風吹字成青瑤顧我經游已十載螺  
亭入夢真湫溲把君此卷轉自失恨無傑句留  
山椒投以小詩當杜舉徑須痛飲訶陵醪

安丘曹貞吉實庵

浩思臨風不易裁振衣獨上鬱孤臺扁舟誰破  
澄江色白板橋頭處士來

納納溪聲走白沙魚床蟹舍兩三家唵安主客  
圖中句輸爾青山出菜花

吹浪船頭豚拜趨峭帆如鷺下彭湖一雙斑管

綿津山人詩集

卷九 雙江倡和集下

十一

凌江去玉立分明大小孤

雛鳳聲隨老鳳哦中原文筆宋家多他年名字  
雞壇上爭許人間喚小坡

江陰曹禾峨帽

曾侍高唐賦筆奇重來楚澤騁新辭無端十八  
灘頭水流出雙江倡和詩

賓從風流一代才清吟同上鬱孤臺金精山裏  
高眠客披着荷衣入座來

我望廬山二十年至今塵土隔青天輸君行役  
能相訪幾首新詩衆口傳

江都 汪懋麟 蛟門

橫江館外大江秋八境臺前月滿樓  
句子怪多湖海氣黃州曾歷又虔州

錢塘 高士奇 澹人

章貢臺前江水流使君經歲駐形騶  
竹橋路入山村市蒲席帆開估客舟  
謝朓詩情留晚照士龍才思發清秋  
登臨風物堪懷古煙翠嵐光足  
唱酬

退食常關白板扉何來佳句和應稀  
濤聲遠自三江合秀色高臨八境微  
梅萼初成官閣賦芟

綿津山人詩集

卷九 雙江倡和集下

十三

荷不厭野人衣平生亦有滄浪興  
烏榜蘭橈願每違

德州 謝重輝 方山

抹麗芳蘭次第開使君花底放船迴  
尋常苦抱名山癖便爲雙江也合來  
卧閣間吟日欲斜尋幽時過野人家  
極知覽眺多佳句偏愛青山出菜花

綿津山人詩集卷九終

綿津山人詩集卷十

商丘宋 犖牧仲

回中集

望居庸關

羣山迴合來遠向都城歷千峰直北奇儼如劍騰  
匣支筇走山麓紫翠落衣袷巉巖居庸關虎踞不  
可狎似聞瀑布喧何處彈琴峽顧此險要區疇昔  
屯兵甲祇今 帝德遥僻壤皆淪冶矧在郊圻間  
奚用旌旗插擊柝良足爲棄繻應未乏春風林際  
吹嬌鶯啼恰恰躋攀咫尺艱心同兕閉柙長歌羨

綿津山人詩集

卷十 回中集

向平村影且須呬

鞏華城候請

仁孝

孝昭兩皇后梓宮旋有事前驅聞同官謝方山將  
至留此示之用東坡送陳睦知潭州韻

鞏華別殿雲浮棟北眺層巒如覆甕山陵巨典走  
千官羽林雜沓聯飛鞞嗚呼

兩后德孔彰出祖靈輿

帝悲痛周廬迤邐枕長河水淺沙明宛流禾微雨  
灑道鹵簿陳風卷旌旗閃雙鳳故人幾日阻同遊

頓使中宵託幽夢維余祗役效前驅回首春林暝  
煙重聞君肅肅逐鷓班匍匐郊垆來哭送詩留店  
壁待和歌坐聽城樓角聲動欲知何處最相思歸  
途明月盤山弄

仁孝皇后輓詩

曳綈傳大內駕鳳忽層霄天付 儲君重人思壺

範遙霑襟勞

聖主執紼走官僚忍見芳春日陵花帶恨飄

孝昭皇后輓詩

淑德傳聞久中宮繼位初未成編女則俄見昇靈

綿津山人詩集

卷十 回中集

二

輿旌旆行相引風雲慘不舒小臣歌薤露隕涕望  
周廬

鞏華城北新得溫泉

上命濬源甃池聽人往浴賦詩恭紀

鞏華城北碧峰前新甃湯池勝地偏不比離宮開  
繡嶺偶來駐蹕得甘泉氤氳氣接嵐光吐蕭瑟聲  
同珮響傳從此袪除歌 帝德真成寒谷變溫年

孤山三首

突起孤峰曠野間峻嶒亂石出榛菅翠華縹緲曾  
經此好錫嘉名駐蹕山

前朝風物有花宮山脊紆迴窄逕通尋得石幢無  
一字浮圖依舊冷煙中

巖畔褰衣落照明潞河兩岸見春耕遙思大小孤  
山在觸迂江湖挾柁情

薊州空峒山用放翁臨別成都帳飲萬里橋

韻

山有府君廟祀唐崔子玉  
相傳子玉乘白馬來此

薊門以北遵溪橋青松夾道風蕭蕭亂石犖确草  
痕碧霜蹄騰蹋我馬驕空峒咫尺足遊眺壁立千  
仞真茗萁于役得從方外樂扶筇載酒非無聊是  
日乍霽陽氣盛盤礴頓擬拋狐貂捫蘿攀葛穿礪

綿津山詩集

卷十 四中集

三

容健如牛犢陵山椒黃帝問道或此地遺踪莫辨  
千年遙府君舊騎白馬至其神何處不可招

孝陵東望連碣海峰巒合沓干雲霄鬱葱佳氣龍  
虎抱晴霞一道儼絳綃行逐炊飛隨我

后匍匐遠向幽宮朝杯傾絕頂霑僕御斜陽回首  
橫山腰會當解綬窮五嶽青鞋布襪分漁樵如猿  
離檻魚脫餌長歌起舞憂懷消

獨樂寺二首

寺有李太白書觀音之閣四字  
及元蒙哥帝為賽典赤所立賢

牧碑先文康開府漁陽日曾  
攜壘來遊今三十六年矣

雙林尋獨樂攬轡薊門過殿閣諸天迴登臨往蹟



多署書傳太白遺碣有蒙哥坐聽晨鐘響將余念  
薜蘿

在昔趨庭至於今扈蹕遊感時同過鳥灑淚自登  
樓節鉞風前邈雲山檻外收故人餘老衲相對雪  
盈頭

望

孝陵用少陵九成宮韻

陵之主山原名豐臺今更  
名壽臺遵化去陵咫尺爲

先臣駐  
節地

夙聞華山巔清泉貯石臼未若橋陵奇一木龍門  
口壽臺擁羣峰蒼崖儼戶牖禁籞環林巒神宮逼

綿津山人詩集

卷十 回中集

四

牛斗嗚呼

先皇帝至德及飛走執戟感疇昔灑淚來原藪開  
創仰 聖功天壤同不朽迄今二十年歌頌遍九  
有王氣信鬱盤隧道熊羆守展謁阻末僚難附公  
卿後寢殿闕以寥竝立徘徊久節鉞懷先臣臨風  
更翹首

石門望石將軍用放翁風雨中望峽口諸山

韻

漢漁陽太守張純叛靈帝遣中郎將孟盜  
率公孫純往伐之大破于石門即此地也

石門之山幽薊雄兩崖對峙凌蒼穹石人屹立撫  
長劍猛氣凜烈橫秋容傳聞漢代伐叛守六師此

地成奇功其人已歿迹已泯此石恒轟煙嵐中昔  
我經過嘆靈異桓桓之勢來空濛重遊忽復三紀  
後形貌還與當年同苔蝕兜整雨淋甲山隅蕭颯  
鳴悲風

馬上見新燕

山逕逶迤繡碧苔薊門煙樹望中開春風策馬桃  
花寺乍見雙雙燕子來

盤山詩六首

冒雨訪名山既至雨忽霽巉巖盡刻露歸雲曉溶  
瀾五峰互低昂青翠落幽薊初途得感化碑紀保

綿津山人詩集

卷十 回中集

五

大歲法象最淒涼遺構荆榛翳旭日照山椒石磴  
盤天際嘉遊方自茲小向精廬憇

自感化寺歷少林中盤古中盤

諸勝

發興窮林巒賴此孤筇拄威紆循澗濱曲折穿山  
塢礪礪亂石堆遠近無纖土時見巖穴中幾點桃  
含雨路傍瞭甲石上有清泉吐遺跡恐荒唐姑聽  
樵夫語行經少林寺宗風緬初祖咫尺望中盤對  
啓青蓮宇微聞仙梵幽寂歷日亭午塔院近可尋  
池愛紅龍古誰從峭壁間貌得錢塘怒想像香臺  
側震蕩風雷鼓淹留酌澄碧游儵粲可數當春雄

雉鳴似應丁丁斧高矚陵晴空遙探偕法侶舒嘯  
振叢薄寧畏豺與虎

瞭甲石傳爲唐太宗東征時遺跡

茲山最佳處寔維古中盤幽磴幾登頓怪石驚巒  
屹或如屋宇疊或如象馬攢或拱如野叟或矯如  
翔鸞花宮忽仰覲琅璫響雲端精舍連邃洞詰曲  
施朱欄突兀五松樹正蔭說法壇長風一披拂白  
晝濤聲寒道人南國秀十載此盤桓 至尊昔臨  
幸 宸翰留層巒昭回倬雲漢豐碑宜雕刻皇矣  
聖人作欲和良獨難

寺僧佛藏維揚人

萱芽芼作蔬松花采作餅一飽不願餘斜陽掛西

綿津山人詩集

卷十 回中集

六

嶺左踏屋角梯萬松如列屏嗟峨紫蓋峰望去不  
見頂石窟千年樹幹作三尺挺撫之詎忍去長歌  
扣其癭右尋談經石陂陀更幽迴虬枝少拘束老  
此無人境有句不能道嗟如喉有顛嚶嚶谷鳥鳴  
徘徊步清影天外九華高直擬駮螭騁

空山正寂寥何處人語響遙見故人來臨風披鶴  
氅洪厓許拍肩一笑穿雲上

王宮詹吳盧洪子昉思後至

聊啜

僧厨粥旋策山隅杖看松訝作龍拜石呼爲丈願  
結煙霞鄰拾此粟與橡嗟余王事迫返駕意悵惘  
絕頂舍利塔萃嶺不得往佛牙走樵牧聖燈驚颺

颺勝蹟匪自今遠望但合掌其餘棲隱地一一託  
遐想寄語青溝僧終期共幽賞

舍利塔頂以地震墮內有小金棺貯

定光佛牙及舍利子聖燈恒于除夕見之青溝僧拙菴也

朝望白雲來暮移青松歸石逕屢延佇余情寔依依  
返景帶山杏夕磬響巖扉弄泉聊盥漱寒色上人  
衣道逢八十翁談笑共忘機此中事事佳豈獨  
娛清暉退尋入村舍燈下蝙蝠飛賦詩興不淺濁  
酒杯堪揮五更望殘月流光破煙霏倚馬語僮僕  
我心仍翠微

將至都門寄阮亭祭酒

綿津山人詩集

卷十 回中集

七

曠望長安道春風嘯咏還故人如問訊袖裏有盤  
山

扈送

梓宮瞻望

陵寢情易蒼涼遊賞之篇風尤遐散拔其五言雋  
永不獨步武蘇陸即謝客之警句蘇州之逸響  
尚冷冷未歇也牧仲官在法曹擅能政事而性  
癖苦吟雙江扇美于和歌回中抒懷于登望鄴  
下梁園于茲復秀矣宣城施閨章跋

綿津山人詩集卷十終

綿津山人詩集卷十一

商丘宋 犖牧仲

聯句集

初冬夜集聯句

同高念東先生曹實  
菴王阮亭謝方山

羈棲欲何為不如行荷鋪

念先是有  
勝果寺

約之飲愛文字洽

仲

晚照橫蒼山涼風吹白恰

實庵稻

芒蟹初擘松床酒新壓

阮

殘菊映深杯狂言遞相

狎人皆白社侶詩競黃池敵

阮

妙畫鑿東丹

是日

觀東丹王  
射鹿圖

歸人憶巫峽

阮

亭坐中吟不得荔裳妻

西曹最喜齋北陸巧當裕

念

霜威逼簷牙星芒動

綿津山人詩集

卷十一

聯句集

簾押

仲

不妨乘興哦未中考功法

念

煖思漢廟酌

冷畏堯厨菱

阮

卮漏川灌河氣壯兕出柙

仲

暫爾

賢聖中詎必金貂插

實

采隱夢廬霍泛宅羨茗嘗

阮

斗室即江湖拍浮類鳧鴨

仲

旅懷歡已忘險韻

句偏恰

念

天馬行馭娑海鯨動呀呷聲殷雷破壁

勢急帆出夾

阮

縱橫字屢乙跌蕩顏能甲

實

銘鑱

贅叟樽書留老嫗筵

仲

久企松子游無事宣公劄

山稍聞動鼉鼓曾否熱羊胛

實

勿憚金吾訶重沽

錢未乏

念

聖安寺聯句

同高念東先生施愚山王阮  
亭謝方山錢介維表士旦

暮雲如斷山返照林下寺阮蕭散乃良觀斷續幽

人至入門盼寒柯揖讓爭行次念翁墻剝古時紅栢

刺經冬翠日肅肅僧寮清穆穆禪宮闕山草創緬

金元烝嘗借初地寺內舊有金世宗章宗像元初

殿金貂會三族絳節來羣帝爰邇大定年下洎

至元世刹邪人代變彈指河山異阮茅社閉天陽

仍歸瞿曇氏念翁法象窮雕鏤鄭重先皇昇寺有

出大內鷲嶺舊飛錫龍馭屢迴轡旃檀佛嘗飛至

鉅夫百靈走蒼茫三車赫鼓吹愚妙相初無言宛

若拈花示維摩不二門灼然第一義念翁畫壁商喜

綿津山詩集 卷十一 聯句集 二

留吳裝何詭麗仲絕筆追顧陸纓絡雜珮璫山天

女靜窈窕雲旗儼容裔仲勢伏龍虎馴氣攝魑魅

悸山旃檀邈古跡金粟爛名繪介竹房穿碧煙苔

碣捫綠字昨聞捷奏宣黔陽走吳淠從此罷鼓鼙

花龕得高會仲殿閣明佛鐙齋厨出香豉山生菜

薦春盤巨七削羊截介難窮祖帳情時念翁略遣

文字戲愚擁鼻發長吟談天奮高視酒氣徹鬚眉

墨痕浣指臂且雅調紛鳳鸞險語掣鷹鷲笑驅山

可移怒號星欲墜韓杜競倔強皮陸間流易錯雜

成宮商一滴大海味愚既足張楚軍亦已拔趙幟

念翁舒嘯和哀猿振藻慚上駟仲牧共擬寒山詩聊述

淨名意阮亭鼠鬚爭葦蕤鶴眼交睥睨揮毫詫脫免

敵人不及避介維河嶽曠遙情海岱羅奇思欣感共

顛倒主客謝拘忌愚山碁烏錯羣賢旗鼓當大帥旦士

鬪場號禪窟東安妙談議未能離塵垢稍欲藉鉗

錘阮亭精藍梅吐苞老樹烏垂翅蒲牢時一鳴牟尼

靜如睡旦士飛薨落杲恩空垣凋薜荔仲牧篆煙縈後

猊香臺蹲鼯鼠山方野馬靜諸天蒼隼側雙背旦士醉

鄉戰已疲重圍或可潰天寒僕御愁促別喧車騎

念翁廻聽金琅璫星河宿檐際阮亭

綿津山人詩集

卷二 聯句集

三

讀高念東先生瓊花觀詩因懷廣陵舊遊即

席聯句同念東先生施愚山王阮亭謝方山

瓊花何意也愁人念翁且遣當杯酒入唇萬事揚州

成舊夢愚山三生杜牧失前身念翁雷塘螢火猶侵夜

仲牧官閣寒梅又放春愚山吟罷新詩轉惆悵阮亭二分

明月竹西塵山方

即席奉送念東先生還山聯句二首

莫教嚴漏促行觴阮亭好月遲來縱我狂念翁九老幾

人歸洛社仲牧五言今日賦河梁阮亭還山白首身猶

健愛客清尊夜未央愚山他日登臨重相憶山方平泉

風物輞川莊

阮亭

瀟灑由來屬樂天曠懷今復見菑川

山方

香山舊隱

人歸去長慶新詩世久傳

阮亭

纔罷朝參翻獨笑

山愚

頻耽野飲縱高眠

仲牧

勞君三疊殷勤唱我已風塵

四十年

翁念

筵上咏鐵脚聯句

同周紫海王阮亭謝方山錢介維程山尊表士旦

經年疲塵鞅埋首困束縛沐浴乘春間客過欣同

酌

山方

春盤風味佳薦此野田雀

仲牧

羽族誠瑣細高

舉慚肉攫

阮亭

逐隊從鳩燕潛身避雕鷲

山方

曾向大

官厥鼓翅恣饒啄

紫海

有聲但勞利無心慕寥廓

阮亭

綿津山人詩集

卷十一

聯句集

四

稻梁性能諳林園意彌樂

日士

穿屋軀體微啅簷毛

羽惡

仲牧

祥知近集庭孝感遙投幕引羣賀厦來應

瑞銜珠躐六翮奮何時一枝且深託胡為鍛羽翰

橫取媚脾臆

山尊

啁啾鴛瓦翻歷亂雲羅着

維介

彈射

空城尋縷切初筵數

仲牧

量同十步飲智愧三嗅作

長竿類黏蟬明珠異彈鵲

阮亭

率場田父愁繞砌兒

童捉

維介

佛首野夫獻斯脛庖丁斫

阮亭

稍聞鼎俎香

太息虞羅虐

且士

品雖遜熊魚味終壓藜藿

山方

七箸

任縱橫口吻鑿精鑿充腸失肥甘膩手信披剝微

如出醢鷄飛似捨榆鶯

且士

鮮肥有本來香脆妙煎



燔腸胃少腥羶骨骼耐咀嚼夥聚無一變連嚼豈

滿

介

瞪目冀豐餘彘頤恣酬酢山尊染指類鼯羹

鬪箸並鷄臠

仲

狂寧乞鵝炙渴欲思羊酪妙手菹

薑橙真意謝糟粕噬聞宮徵調老畏牙齒落

阮

掀競橫肱纓絕肆浪詭紫披綿映短燭截肪侑康

爵報恩懷玉環錫名徵鐵脚仲詎能成其腓誰解

鑄此錯

阮

人生耽口腹是物勞熏灼仲適口念生

成感心增索莫

山

小鳥生有營老饕意無作士羣

飛失翾翾鬻取爭霍霍仲殺機滿天地繒繳到山

澤

阮

慨彼弱羽加何異遊魚涸山靜觀大化理坐

綿津山人詩集

卷十

聯句集

五

歎生機薄

士

侶燕危處堂伴鼠憎無角介探齧餓

憫趙銜穀貴占郭

仲

蚌蛤化已遲螳螂伺猶昨勿

笑掩目捕寧思撫髀躍阮我欲返其淳解網出湯

鑊塵清威鳳游政憚仁麟格皇然象帝先鳥獸稱

咸若

紫

海

綿津山人詩集卷十一終

綿津山人詩集卷十二

商丘宋 犖牧仲

西山倡和詩

將遊西山謝方山送酒

結伴看山待詰朝故人新釀寄來遥  
全椒道士眞輸我不得蘇州酒一瓢

附前題

至

春來花雨頻勞夢芒屨閒尋破旅愁却喜宣城  
眞好事一銚羅酒餞山遊

由高粱橋往西山經眞覺萬壽諸寺用阮亭

綿津山人詩集

卷十二 西山倡和詩

祭酒西山道中韻

曉度高梁橋迤邐遵晴波千峰來馬首寸心凌嵯  
峨深林莽迴互路轉紛陂陀初地尋五堦方臺俯  
層阿番華爛寶座儼從兜率過鄰寺饒古柏壞砌  
清陰羅巨鐘鑄法藏字比春蠶多殘英作鞞紅故  
衣憐邢娥提攜一筇杖此外遑恤他

附西山道中

至

鶯花三月漾春暉杏子開殘桑葉肥廢寺尋來  
碑半仆斷橋行處柳成圍抽芒小麥翻青浪掠  
水輕鷗鬪素衣望裏諸峰圖畫好吟鞭早喜謝

塵鞮

玉泉

清泉噴薄散驪珠  
咫尺流爲裂帛湖  
常送寒淙穿大內  
新開水殿做三吳  
煙霞窟宅天留勝  
楊柳汀洲畫不殊  
森森恩波閒極目  
願同黃鵠一濡濡

自玉泉至卧佛寺宿用東坡次正輔同遊白

水山韻

西山之麓湖之涯  
玉泉亭榭開天家  
訪古已入華嚴洞  
徘徊敢駐巾柴車  
耶律孤墳竟何在  
荒煙一抹宮人斜  
樵夫導客遊卧佛  
蒼巖抱處雲林嘉

綿津山人詩集

卷十二

西山倡和詩

二

其旁咫尺維退谷  
其巔古寺有五華  
尋幽無事相迫促  
入門且看山桃花  
杪擺夾殿作蚪舞  
油油新葉濃陰加披襟  
跂脚送落日斗大  
樹癭輿徒誇故人  
命酒余戒飲清泉  
一勺煎三椀  
墻隅小丘啓紺宇  
盤桓直欲凌丹霞  
微風不動萬籟靜  
何來聒耳紛鳴蛙  
方塘漱灑鑿山趾  
一泓不異樽壘窪  
黃昏待月坐精舍  
跣趺豈與維摩差  
夜闌耿耿增感觸  
繕性未熟同烝沙  
詩成題壁字敲側  
懸知他日無籠紗  
錢翊屬和意良厚  
我詩尚望攻其瑕  
參橫月落重呼酒  
倦僕相顧生咨嗟  
空階倚杖望碧漢  
迢

遙不見纖雲遮明朝結伴窮礪窟山靈知我不我  
遐晨鐘忽動掉頭去松梢蕭蕭盤飛鴉

附  
步前韻

至

太行迢遞橫天涯西山之麓堪爲家良辰選勝  
欣就道擔簦提榼隨牛車蒼崖邃洞恣搜剔裂  
帛湖水漾日斜爾雅所載信非妄甘泉時降萬  
物嘉行行爲詢取律墓竚聞野寺演法華大師  
之墳遠榛莽不封不樹憐鶯花委蛇一徑達山  
腹森森竹柏相交加荒涼古刹起何代杪羅樹  
老人驚誇山櫻欲熟烏先啄新葉蔭砌紛枝桠  
殿宇無人帚掛壁飛鼯棲竄屯煙霞須臾暝色  
冠林薄草根時復鳴春蛙杯行到手一仰眺踟  
跌恰喜當山窪老僧導予看卧佛諸天羅列肩  
相差村煙鬼火兩明滅微聞巖溜濺溪沙雨牆  
題句勞屬和迷離醉眼如籠紗四山明月靜萬  
籟玉盤却愛無纖瑕披襟殿角匝獨樹行吟聲  
苦同咨嗟五華鐘磬下天際傾耳未許罔巒遮  
夜來塢燈光睽睽香山可望知非遐明朝跨馬  
躡險去蒼松夾路喧啼鴉

遊退谷尋水盡頭次阮亭韻

如笠亭開退谷前四山積翠落層巔花圍曲檻宜  
呼酒木架荒崖任引泉蹋石尋源聞浙瀝臨溪濯  
足愛淪漣蘿陰窈窕苔磯靜坐聽樵歌勝賞偏

廣泉寺用阮亭題鈍菴洞庭詩卷韻

山椒旭日哢春禽破寺何妨振策尋荒逕有人挑  
筍蕨殘碑無字紀遼金禪房疊石吳中手別院看  
花世外心雅愛僧雛能解事硬黃一幅索清吟

和前韻

錢柏齡

松逕斜穿逐野禽數椽新構足幽尋興來欲訪彌  
天釋山好何須布地金樹外渾河能極目窗前花  
綿津山人詩集

卷十二 西山倡和詩

四

雨了無心泉聲只在香臺畔傾耳閒庭起越吟

碧雲寺二首

寺後有魏忠賢墓

放眼來青嶂齋心入碧雲樓臺當磻起鐘磬隔花  
聞初地惟流水空山又夕曛寄言猿鶴侶何日許  
爲羣

刑餘開黨禍國運遂迤邐何事窮奇骨仍埋大梵  
天林鳥催落日石馬卧荒煙一種松楸地應無牧  
豎憐

和前韻

柏齡

一寺皆流水諸天迥碧雲到門森木合過磻遠鐘

聞洞壑留 宸藻樓臺麗夕曛  
貂璫丘壠在孤貉 自爲羣

宿香山來青軒懷愚山侍講阮亭祭酒即用  
愚山蘇門山韻

碧雲赫弘敞我意不再踐  
茲山荒而幽林壑見亦  
鮮磴道噴清泉松門積  
蒼蘚香臺花吐苞姚魏  
略可辨殿側訪崇軒開  
襟興不淺官闕迴明滅  
煙嵐互舒卷煌煌宸翰  
留千秋重絕嘯張燈聞  
放梵對酒思摘阮呼兒  
此題名廿年懷抱展臨  
巖望故人春衣露華法

綿津山人詩集

卷十二 西山倡和詩

五

附 步前韻

至

初地跨山腹細路羊牛踐  
門荒匝春流剝啄人來  
鮮捫蘿快夕遊跣趺藉  
苔蘚土花蝕殘碣時  
代誰能辨想像翠華留  
揮毫興不淺僧徒止  
予宿風簾始一卷坐起  
揖纖阿酌酒西山巘覽  
眺企向禽歌嘯緬嵇阮  
聊息登頓疲漸覺懷抱  
展夜闌風景佳露下清  
法注

雨中由磴道上洪光寺二首

我遊得一奇維此招提徑  
紆迴十八盤老柏夾危  
磴霏霏小雨來蕭晨作  
輕暝樹色雜煙嵐到眼  
殊

幽勝衣袂霑古香竚立發清興林隙望山門天風  
送孤磬

闢地自中使規模倣朝鮮毘盧繞千佛法像窮諸  
天旛幢盡奇麗照耀蒼崖巔胡爲名勝區僧徒散  
如煙影堂弔山鬼松鼠竄八筵荒寒不可留亭午  
風淒然却顧階除上遊踪破苔錢

和前韻

柏齡

未窮香山遊已穿洪光逕盤道何迂迴九折凌幽  
磴微雨生遙空萬柏翠欲暝紺宮迴寂寥宛轉造  
其勝欲訪支公禪不減康樂興春風吹我衣隔煙

綿津山人詩集

卷十三

西山偈和詩

六

數聲磬

附  
步前韻

至

朝來野日昏微雨灑幽徑穿藤濕芒鞋杖策破  
苔磴松杉交上頭作意弄煙暝未窮佛閣奇已  
訝山路勝小憇據石床狂叫發清興遙聞山鳥  
呼依稀答僧磬

入門何闐寂樹古苔色鮮禮佛啓中殿屋老通  
青天月鏡與雲旗羅照華座巔僧徒去已久甯  
冷無炊煙飢鳥下階砌鬪鼠登几筵回望香山  
閣栝柏鬱蒼然稍恨春遊晚落盡榆莢錢

盧師山歌用東坡遊徑山韻

塵迹却掃尋名山，渾如涸鮒投長川。特訪盧師徑，  
榛莽欣從法界相。周旋惟師初自江南至，扁舟谷  
與凌重淵。舟所止處便，跌坐卓錫闢地茲。山巔至  
今古洞留，短柏還看遶。座開青蓮左右，二龍爲弟  
子。行雨想像騰蜿蜒，始知是物具佛性。豈有達士  
譏叅禪，孤亭俯澗樹。森立黃棟初發榆，飄錢我來  
駐。屐一長嘯鋪茵愛聽松，風眠遠望麥畦作翠毯。  
空天明滅飛烏鳶，人生有涯樂且樂。奚取白髮恒  
憂煎，况我少無適俗韻。每於丘壑求安便，竟須誅  
茅隨衲子。挹泉嚼藥心陶然，那能苦戀太倉米。踞  
踏轅下嗟年年。

和前韻

柏齡

盧溝之北盧師山，山勢迴合如輞川。澗道屈曲不  
易到，一路行迹同螺旋。巨石鎮壓是何物，或言下  
乃蛟龍淵。吾聞師來自江介，破船欲拂蓬山巔。從  
風蕩漾任所止，一朝此地開青蓮。師乎兀坐洞壑  
畔，小青大青隨蜿蜒。毒龍一制了無事，秘魔從此  
留安禪。我來暮春春日霽，楊柳飛絮榆飛錢。披襟  
策杖歷重險，脫帽直向幽崖眠。仰天長嘯激清響，



白日欲下高飛鳶龍團一餅出行囊林間石鼎手  
自煎恣意盤礴此亦得青松白石良靜便洞門古  
柏不三尺遺跡一覩心茫然師乎掉船竟何處滄  
桑倏忽驚千年

附步前韻

至

盧師結宇環青山谷深崖迴如斜川微雨纔過  
景色霽短筇與我相周旋桑乾故道蔽叢木下  
瞰不見蛟龍淵羅雀童子來日暮收拾媒翳當  
層巔須臾顧兔湧林樾照耀佛座開青蓮眼前  
洞壑盡詭異咫尺想見騰蛇蜿蜒繫予何事雜塵  
迹到來忽復思逃禪夜深僧厨供麤飯芼以澗  
蔬烝榆錢青松濤起聒兩耳高枕直欲凌風眠  
幽鳥棲定人跡絕仰面驚墮雙飛鳶新詩佶屈  
愧韓孟推敲字句心熬煎俯臨翠微不五里此  
去沙路殊安便香臺坐久露華重停杯四望天  
茫然吁嗟盧師歸何處手植短柏榮千年

秘魔崖晚坐

向夕蒼崖訪秘魔孤亭微雨對煙蘿長松自作驚  
濤響不見扁舟泊澗阿

和前韻

柏齡

逸事千秋說秘魔斷崖流水映松蘿春風小憇孤  
亭晚山鬼依稀嘯礮阿

雨後過翠微寺

一徑穿林樾看山向翠微松門過宿雨塏院得清  
暉絕壁蒼藤掛閒階碧篠圍老僧辦粗糲知我憺  
忘歸

和前韻

柏齡

十里到松扉花宮隱翠微遠山澄宿霧小院澹春  
暉天矯蘿千尺扶疎樹幾圍未須窮絕頂只此足  
忘歸

綿津山人詩集

卷十二 西山偈和詩

九

皇姑寺

扣馬名高中幘中斜陽幽寺帶芳叢黃沙翠輦當  
時恨畫幔雲旗異代崇流水若教能納諫奪門奚  
事更論功淒涼尼子迎神曲不少人間烈士風

附 同介維至兒豐臺看芍藥遲梁藥亭蔣京少

不至用東坡定惠院寓居月夜偶出韻

殿春花發作勝遊折簡邀賓自前夜微雨纔過曉  
風輕一路看松馬頻下出城正值分秧天田類僧  
衣暗泉瀉綠楊橋外小塢幽林隙遙憐一枝亞亭  
開爛熳雲錦堆竹几繩床許相借深盃漱灑那忍

辭到眼花開又花謝蓬蒿二仲悵莫同錢起吟鞭  
來隔舍和詩髣髴雙江濱但少黃柑與紅蔗盤空  
硬句擊鉢催橐鞬周旋吁可怕淋漓醉墨寫短牆  
野老來看任嘲罵

和前韻

柏齡

看花有約去恐遲中宵攬衣起問夜平明連騎出  
城南一逕斜穿柳陰下曲渚迴塘趁馬蹄紅魚撥  
刺驚湍瀉花林漸入東豐臺欄紆萬字牆低亞司  
馬園林蘭若邊閒亭喜得從容借開尊促坐香盈  
襟婪尾春光未凋謝義輪欲轉西山青倚醉尋芳  
過鄰舍吟鞭遍逐遊蜂狂咀嚙英華如嚼蔗撲面  
蘋風日夕高惜花還爲花生怕梁鴻蔣詡期不來  
勝事已偏從笑罵

綿津山人詩集

卷十二

西山倡和詩

十

附步前韻

至

昨日慈仁買花歸插滿銅瓶香徹夜今日豐臺  
賞花來鋪茵更坐芳叢下溥溥朝露猶未晞東  
風吹過珠還瀉珊瑚成堆玉作盤股紅膩白紛  
低亞晴郊士女如雲屯野老孤亭容我借南國  
美人悵望遙賦手空懷鮑與謝適情無事張華  
筵白酒黃鷄供村舍側帽狂歌驚四鄰醉來欲

啖崑崙蔗長安貴游盡奢豪雜沓謹叻猶夢怕  
只應此地任棲遲手斧腰鎌遠詆罵

宋比部牧仲招同蔣京少錢介維暨次公山  
言豐臺看芍藥予與京少先至不得相值遂  
入中頂登九蓮臺而還牧仲柬以詩依韻奉  
答其四章則專贈京少也

南海

梁佩蘭 藥亭

右安城頭霜照瓦官街鼓打憐長夜晨雞唳啞人  
始行早出城門赴花下宋公有約胡不來獨遶紅  
泉竹根瀉蔣侯騎馬忽相值高揖金鞭立林亞天

綿津山人詩集

卷十二

西山倡和詩

十一

生我輩長閒人日車容易羲和借且就花前仰花  
色花神喜我我拜謝白玉爲盤列雉田紅雲如蓋  
銜僧舍飽看勝啜杏花粥渴解無用江東蔗鳥雀  
窺人恣往還蝴蝶黏衫少驚怕此中樂事難具陳  
霸陵醉尉那能罵

東豐西豐踏花路馬蹄自曉行入夜長安卿相空  
滿城無有一人至其下先生好遊獨早出松風夾  
道驚濤瀉邀予賓客蔣與錢有男好手推流亞珊  
瑚筆架翡翠床準擬分題不須借愛花我欲就花  
死摹花公等真陶謝誰知花林竟相失執鞭我似

避三舍自來大將張大旗小技材官徒舞蔗側聞  
詩成呵寺壁風雨颯颯鬼神怕取紅取白原女兒  
百遍桃花咒成罵

名花有似傾國人相對恨不連日夜繡袷初臨綺  
日前寶鞍擬解華星下鉛華并汲者誰子琥珀輓  
轡隔花瀉道花無語却有情扶鬢抱萼交頭亞春  
光九十逾八十今日何惜一日借不見艷李與穠  
桃前蹊早已紛紛謝花開香鬢散天女復湧金輪  
訝耶舍氣味真成蒼蒿林根株好是瞿曇蔗潦倒  
花前我不辭斜風吹去當誰怕翠袖紅筵舞鳳皇

綿津山人詩集

卷十二 西山倡和詩

十一

不值黃鸝數聲罵

君家愛花真大雅相過花龕竟三夜花晴花雨總  
不言祇布瓊瑜坐林下香氣空濛錦繖圍露華的  
歷金莖瀉黃衫少年那比數紫玉佳人差同亞世  
人賞花祇任耳君有兩目非人借牢籠花態寫入  
詩一字花翁一稱謝九疊芙蓉眺玉臺一條冰澗  
穿山舍猶自高吟不離口滋味沙糖本霜蔗碧霞  
仙宮衆祇肅龍象蹴踏驢所怕金犢車迴細馬來  
羅裙畏見春風罵

和前韻

宜興 蔣景祁 京少

人生行樂須及時秉燭看花每卜夜西郊十里爛  
如錦我曾三日卧其下丹砂晝焰金鼎燒珠露朝  
擊玉盤瀉文采風流宋大夫雛鳳聲清允堪亞折  
簡邀我爲再遊綵筆江淹許誰借揚鞭出門嗟路  
岐長吟無計追顏謝巡畦穿逕各馬蹄茗椀爐煙  
不同舍先生險韻詩早成諷之娓娓如啖蔗遙知  
揮灑方丈壁龍蛇淋漓燕雀怕花穠酒香日已晡  
豎儒不前乃公罵

綿津山人詩集卷十二終

綿津山人詩集

卷十二

西山倡和詩

十三

綿津山人詩集卷十三

商丘宋 犖牧仲

續都官草

席上送表士旦還蕪湖同朱悔人洪昉思賦

二首

寒宵樽酒送將歸霜月朧朧照掩扉明發江鄉尋  
舊隱一間茆屋傍螺磯

梅花香冷下風簾對此翻將客思添多少故人裁  
別賦消魂今夜過江淹

寄懷徐子星方伯用王幼華黃門韻二首

綿津山人詩集

卷十三

續都官草

清香遠畫戟梁苑柳如絲契濶憐星換綢繆美葛  
纍烽銷麋子國酒載習家池上客同高唱

謂朱悔人應

無九辯悲

屏藩功不細轉運計能諳中野來鴻雁明堂待杞  
楠風塵聞鑷白江漢望拖藍舊有南陽約何時飲  
菊潭

冬夜示弟介山兒至用放翁同子坦子聿遊

湖中諸山韻

曠懷託張融我屋儼舫案頭仇沼石峯筆作峰  
嶺休日歲云暮小憇無人境側身望故園南湖渺

千頃拍波羨鳧鴨漸樂春書未未遂汗漫遊聊得  
塵鞿屏觀梅設茗宴遠汲天壇井地爐添楮袖念  
此幽花冷骨肉共情話壁閃孤燈影空階積殘雪  
中夜光炯炯清詩和放翁工拙心自領置筆搔二  
毛還期踐箕穎

東坡先生畫竹歌

我家畫竹亦云夥昔有與可今東坡到眼素練不  
三尺琅玕幾個臨滄波疎枝密葉總生動荒汀一  
抹蒼煙多根下奇石得位置遺籜滿地蒙青莎金  
山老衲佛印舊題句荆公振筆來和歌詩清字瘦畫

綿津山人詩集

卷十三

續都官草

二

增重四角朱印森遮羅憶髯道場寫風篠掀舞之  
勢曾自哦醉墨吐作蒼蒼石涪翁擊節無差訛干  
秋妙跡落吾手寶惜豈管隋珠過堂上忽闢梁王  
圃清陰一片堪婆娑竟須散髮尋畫去緇塵十丈  
奈我何

白鸚鵡

奇禽寧並隴頭看南海攜來雪色寒珠樹流音藏  
縞袂雕籠刷羽側黃冠殷勤妃子呼娘舊刻畫王  
維作賦難鎮日依然紅豆飼誰教言語凭朱闌舊

三  
晏薛  
娘所養



歲暮絕句八首

捷書萬里奏明光  
吳淠餘氛掃夜郎  
詔下金雞恩似海  
西曹三日縱囚忙

松聲不敵市聲譁  
初地從教信貨遮  
一樹蠟梅開磬口  
他鄉還買故園花

石塘新稻雪翻匙  
北海鯉魚斫玉脂  
更有老饕堪賦處  
熊肪和蜜貯宣瓷

雕弓羽箭拜天家  
曾獵甘泉逐翠華  
老冉冉來懷抱改  
焚香掃地是生涯

蟹爪樹枝看郭畫  
藏經紙色辨宣爐  
漫言好事囊綿津山人詩集

卷三 續都官草  
三  
羞澁明歲新捐宦  
戶租

不分輕霜上鬢絲  
逼除風景羨兒嬉  
黃昏燈火仍多事  
遍和鄰翁歲暮詩

莫爲廉吏世爭談  
大厦誰知要杞楠  
不信但看于定國承恩制府又江南

令弟公車早着鞭  
中男詩句效斜川  
提攜不淺天涯興  
况是昇平獻頌年

熊肪

猛獸曾占吉夢來  
深膏截出色皚皚  
人傳方法調蜂蜜  
品愛珍奇過豹胎  
映燭共誇和氏璧  
摘文誰

並孝威才盤餐點綴三冬候一片霑脣酒一杯

同弟介山兒至守歲用放翁夜聞湖中漁歌

韻

堂上煜煜然松明千家爆竹同一聲地爐暄暖共  
守歲門帖爛熳香煙縈嗟余幾年逢此夕風雪僵  
卧長安城天涯骨肉今在眼有酒奚用琵琶箏中  
夜盤餐速僮僕勞以大斗談鄉情行騎瘦馬謁闈  
闔干戈纔罷滇南征太史正議郊廟樂鳳來阿閣  
卿雲橫座右忽覩浯溪頌愧無此筆歌昇平

過永慶寺懷文然道人

道人閉關三十餘年  
本朝定鼎三月後始

綿津山人詩集

知

卷十三

續都官草

四

古巷如空山幽絕招提境春風扣禪扉斜日林間  
靜小別二十年依然磬聲冷不見白頭僧聞堦踏  
松影

三賢咏

蘇門徵君孫鍾元先生

吾道有攸屬徵君儒者宗椒山共里閨少多烈士  
風孝廉舉弱冠懷抱凌蒼穹傾身救楊左高義等  
華嵩更入賢相幕談笑籌兵戎晚值滄桑變俛首  
簡冊中蘇門山水窟誅菰寄遐踪生徒環講席一

代開羣蒙百泉闡妙旨濂洛淵源同豈學鸞鳳嘯  
聊以卧雲峰屢徵不一起魯齋有愧容伊余景行  
切千里思扶筇雖託弟子列恨未接猶龍雲霄拜  
短札薄劣荷陶鎔迄今二十載太行仰龍從朱絃  
失遺調嘆息撫焦桐作詩明嚮往滔滔水流東

青原藥地大師

無公絕世人變化不可測當其直玉堂文采照京  
國良譙招清流頗好傾城色如何過江後頓斂搏  
風翼僧衣製水田鬢禿面黧黑閉關高座時杖履  
余初識新編讀炮莊創論豁胸臆妙畫逼雲林不

綿津山人詩集

卷十三 續都官草

五

自人間得旋摘礪邊蔬殷勤授余食裁書寄侯嬴  
中情殊惻惻時託余致書朝宗別來二紀餘悵望曷有極  
遙聞住青原愈盡頭陀職種藥手如龜優入清淨  
域滅迹向巖巒高風邈難即始知學無生端借英  
雄力燈傳曹洞宗史載尸齊側

易堂魏叔子徵君

從來巖穴士未必工文章叔子著作手李杜同光  
芒翠微高千仞其上開易堂提攜好兄弟彭躬丘  
士邦與相羊隻字落人世金石韻鏗鏘不知老將至  
馳驟翰墨場前年奉明詔史館待子長使者登

門請卧不下匡床身如九苞鳳天外恣翱翔余時  
客章貢兼葭咏蒼蒼竭來子猷棹忽過崆峒傍爲  
我留十日周旋罄壺觴晨昏晰疑義子弟羅成行  
老筆一揮灑卷軸俄盈箱謂此矍鑠翁晚節樂未  
央何期別數月大鏞聲消藏迢迢五千里淚不到  
山岡空餘不朽業諷讀懷以傷我名辱遺草藤蔓  
附圭璋

題沈石田畫冊次原韻十二首

一曲溪山興不疎幽人自昔愛吾廬韓公曾取莊

騷配把讀應知是此書

韓公論文嘗以騷配莊

綿津山人詩集

卷十三

續都官草

六

參差竹樹短墻遮有客來尋溪友家恰似放翁居  
蜀日頰拖藤杖訪梅花

草堂幽絕似成都几席何妨即五湖鎮日詩翁相  
對坐桐陰滿地角巾烏

杖策迴溪上雲山許獨知斜川有高詠想見義熙  
時

兩岸蒼煙暮靄一江細雨斜風波上輕鷗迴白林  
間古寺微紅

風柳捎船水作鱗網來白小色如銀何須高卧幽  
窗下始號羲皇以上人

水蹙韉紋激灩清長林巨壑送猿聲依然敷淺原  
中見觸迂篷窗夜咏情

叢篁臨水碧老柏點霜新破帽攜琴叟前村訪酒  
民

美爾高人作意遊松間磬石任淹留清琴橫膝渾  
忘弄坐看飛泉百道流

湖山入手是樵漁艇子遙尋水竹居斷岸空林堪  
小泊樹根還讀道元書

江村籬落接平沙野菊斑斑欲放花更愛一天好  
秋色爛紅楓葉作朝霞

綿津山人詩集

卷十三 續都官草

七

野岸梅花雪滿條空江風色晚蕭蕭漁翁詩思清  
寒甚誰寄燒春一瘦瓢

春日紀事二首

祈穀當開歲張燈逼上元旌旗諸道撤簫鼓萬家  
喧遠島輸蕉布深宮啓獸樽昇平新有 詔歌舞  
遍荒村

八載神功著銷兵見此時獻囚符衆論考樂飭專  
司上壽徽稱備 元儲典學宜爲郎雖白首烏獸  
共恬熙

水仙

海國名花冰雪姿叢叢冷艷浸漣漪黃冠乍識仙  
壇返玉體橫陳小閣宜雙蝶不侵香寂歷孤梅相  
伴影淒其開門無復澄江在惆悵涪翁一首詩

上元前一夜留錢介維小飲用梅聖俞荅吳

長文內翰遺石器八十八件韻

冠蓋紛長安我心仍樵牧寒梅如佳人愛此顏如  
玉花間賦新詩古調恒自勗今節逼上元傳柑有  
遺俗故友乘夜來蕙帶清我目小齋縱高談欠伸  
頭抵屋壁掛舊歲燈一盞已云足瓶罄易水膠繼  
之燒春酷奚必烹熊踏剪韭亦旨蓄中酒讀宛陵

綿津山人詩集

卷十三 續都官草

八

髣髴金石錄

上元過慈仁寺買書

買得十六國春秋天下名山記

華燈九陌掛春風獨買殘編古寺中蠟屐久懷康  
樂好紬書今識彥鸞工窗閒冰雪歸堪把月下笙  
歌興不同明日又愁公事擾西曹讀律技偏窮十六

國春秋崔鴻著彥鸞其字也

元夕口號

紙燈掛壁酒盈杯草草元宵又一迴解道流年隨  
手過梅花如豆已全開

放翁有流年隨手過之句

正月十六日送葉慕廬歸樊口

雪泥輕塵霽色開  
送行還藉上元杯  
旗亭草發東西路  
歸棹人尋大小洞  
十子詩名容我附  
二毛郎署望君來  
不須苦愛松風好  
祇向空山卧碧苔

春日同湯潛菴介山弟至兒過聖安寺小飲

有懷高念東先生

寺在柳湖有旃檀佛像  
常陪念東先生來遊

草色纒青放馬蹄  
春風隨意過招提  
旃檀又拜諸天像  
楊柳兼尋幾曲堤  
精舍閒花留對酌  
空牆醉墨和前題  
曠懷不見香山老  
回首雙林落日低

吳漢槎歸自塞外邀同王阮亭祭酒毛會侯  
大令錢介維小集作歌以贈用東坡海市詩

韻

塞外長白橫長空  
吳質廿載米天中  
豈意玉關得生入  
雲霄重望蓬萊宮  
哀笳聽罷鬢毛改  
縱橫老筆偏能工  
魚皮之衣捕貂鼠  
曾披榛莽尋黃龍  
計倪寓書感生別  
謂甫草題詩慘絕梅村翁  
歸來兩公已宿草  
惟君懷抱猶英雄  
時平好獻大禮賦  
少陵遇合寧終窮  
相逢一笑快今日  
俯仰况復當春融  
談詩命酒皆老輩  
何惜頻倒玻璃鍾  
楛矢石弩誇創見  
君之所得亦已豐  
夜闌醉眼望天漢  
恍疑鴨綠磨青銅  
世間萬事一海市  
且看梅萼開東風

和藝圃雜咏十二首

有序

藝圃爲吳郡文文肅公別墅崇禎時萊陽姜  
貞毅先生以言事獲罪流寓江南得是圃而  
終老焉今先生之子學在讀書其中鈍翁阮  
亭諸公皆有圃內雜咏伏而讀之如見文肅  
貞毅之高風暇日聊爲屬和用志嚮往云爾

南村

墟里何莽蒼人煙疑谷口疎林帶茅茨空山對戶  
牖緬彼荷鋤翁春風事南畝

鶴柴

綿津山人詩集

卷十三

續都官草

十

縞衣海上來結此煙霞侶警露失孤眠唳月思遐  
舉放去效雲龍蹠蹠何處所

紅鵝館

虛館面碧流雙鳴任容漾斜日賞花開梳羽空洲  
上想見晉代人臨池鎮相向

乳魚亭

閒居種魚苗一泓開碧沼噉喙亂淪漪倏忽穿荇  
藻徙倚向空亭濠梁趣不少

香草居

幽芳羅戶庭萋萋蘭與杜采摘紉余襟髻鬋瀟湘



浦持贈念佳人風前獨延佇

朝爽臺

朝遊上崇臺吳山何突兀  
雨餘嵐氣生氤氳遍城闕  
白鳥去翩然相看坐超忽

浴鷗池

濯濯野岸鷗慣與高人狎  
雖遊曲沼中終不逐鳧鴨  
湖海共忘機幽盟詎須歆

度香橋

遙川迴空明紅橋列雁齒  
淙淙響珮環荷香滿中泚  
溪翁曳杖來陣陣微風起

綿津山人詩集

卷十三

續都官草

十一

響月廊

竹煙翳修廊寂寥非人境  
月華浩然開寫出檀鬘影  
靈籟颯空林徘徊夜方永

垂雲峰

孤峰擢片雲誰截洞庭秀  
菱溪謝寄嶽雪浪愧此耦  
青天揖丈人咫尺風雷走

六松軒

六叟盡支離老作蒼虬舞  
盤空翠蓋停清陰散廊廡  
側耳聆驚濤幽琴正堪譜

繡佛閣

居士多微叅焚香坐小閣倚檻讀楞嚴孤懷寄寥廓時有林棲僧同來聽簷鐸

乾清門奏事用王維早朝韻

鴉盤宮樹鳴月落金門曙啓事逐上卿迤邐層霄去氤氳接御香咫尺垂衣處欣飛感昔年執戟隨騶馭

余家東齋櫻櫚一株花開最盛偶讀岑嘉州對酒櫻花香之句悵然有作

三逕當年興不疎幽花簇簇愛櫻櫚晴窗偶讀嘉州句一倍春風憶草廬

綿津山人詩集

卷十三 續都官草

十一

端午夜示兒至用東坡與邁聯句韻

客散雨忽晴如眉月初吐庭榴千葉明風枝捎半戶逼檻振斯螽張燈走黠鼠小啜頭綱茶徘徊步廊廡嵐影落遙峰露華霑絺紵生平耽勝遊屢結登山屨句喜得斜川冠將掛神武悵然念汨羅一弔風騷祖

題阮亭祭酒讀書圖

紅葉蕭蕭下短楹幽人如鵠坐秋聲吟成五字菜黃洗好並溪流徹底清

秋林我有讀書圖寂歷空亭碧澗隅今日題詩還

一笑兩人風調不曾殊

夢中得起結二句醒而足成之

槐葉蕭蕭菊藥黃  
傷心歲晚又他鄉  
夢迴寂歷風開戶  
一縷蛩音月滿床

張水部晴峰雷琴歌

絙桑以來紛制作  
國工好手不記名  
有唐雷氏起蜀郡  
妙合變化通神明  
時代悠悠已千載  
遺製猶復傳冰清  
所嗟賞音者難覲  
塵埃碌碌埋精英  
景州張公僻好古  
焦尾適遇中心驚  
徽軫脫落絃斷絕  
世人那解無絃聲  
司空清俸不復惜  
解囊買得

綿津山人詩集

卷十三 續都官草

十三

千金輕吳門奇士善髻洗疏剔空窳勞經營鳳池  
乍啓露欸識大唐雷氏刻畫精修治完好一再鼓  
冷然肘後松風生勝日高堂會嘉客賦咏題遍名  
公卿平原馮君擅八法馮進士大木更合衆作驅墨兵  
松雪妙楷入神化一物數絕相兼并余也嗜痴亦  
有癖論辨古器甘如錫矧茲七絃具妙理搏拊可  
使心和平幾時從君滄海岸流水一曲移吾情

戴氏鼎

烹飪著羲父象物垂夏紀  
時代旣杳茫制作紛變  
詭魯贗或亂真泗淪未易起  
曠望千秋間鴻寶存

有幾戴逵博雅宗古器藏累胡來玉鉉珍光怪  
動神鬼馬鼠聊記年饜饜不見尾體格云是周秦  
漢匪所擬萬緡未足酬百朋豈但已圖繪振希聲  
詠歌集繁綺劣眼昧蒼黃什襲未敢啓耳食拱璧  
名亦復駮然喜紀甑無遺形籀鼓徒屢徙何如法  
物傳想見清廟禮遙羨斐几供摩弄移日晷

綿津山人詩集卷十三終

綿津山人詩集卷十四

商丘宋 犖牧仲

海上雜詩

康熙癸亥秋余以通永僉事奉檄偕部使按  
海濱地自鹽山抵山海關紆廻將三千里爲  
日三十有八得詩二十四首率於馬上口占  
授兒至使書之用代紀事云

雲濤翻萬疊曠覽到天涯野岸懸鷹網鹽池引浪  
花草痕消斥鹵颿影落敲斜漢武荒臺畔愁聞日  
暮笳

綿津山人詩集

卷十四 海上雜詩

畫角傳荒戍征旗指大沽雲沙看不極疆理辨全  
無茅屋行彭越天風送海鳥晚潮吹地至想像百  
靈趨

到面霜威凜驚鴻報晚秋鹽花疑雪積海氣似城  
浮野飯難求井居人盡狎鷗神山何處所天水共  
悠悠

訪舊津門道聊停倦客車樽前嗟鬢髮燈下出圖  
書展帖驚狂草看山擬卜居寶章余有錄珍重劫

灰餘

爲同年孫茂先作時觀  
張長史墨蹟文待詔畫

雙林仍小憇花藥徑纔通古鐵珍高邑

寺有趙儕  
鶴先生如

意匡床借贊公妙香清夜得圓月碧山同魚麥勞  
鄉思搔頭磬響中

在昔新河口曾漂海大魚然脂分異縣遺骨尚專  
車風物聞皆別農桑望轉虛自慚鞭算拙闢土定  
何如

鬼蟹蹲沙惡狼魚出網腥海翁瞻使節竈戶作郵  
亭岸隔關門紫波涵島色青輸渠張木筆臨眺賦  
滄溟

客路偏增感西風況海陀重泉添骨肉  
謂灼弟陸著兩兒  
故里曠煙蘿斑駁三年鬢蒼茫萬里波佩萱徒浪

編津山人詩集

卷十四 海上雜詩

語腸斷黑洋河

十子成高會  
葉井叔林蜚伯曹升六田子綸王幼華曹頌嘉顏修來汪季用謝方山及

也千秋有素期況從王祭酒風雅得宗師熊白雪  
中賦仙巖花下披  
余藏董文敏仙巖圖幾多離索感暮雨聽

潮時

小船如鴨嘴荒步號煙頭所見詎曾見言愁真欲  
愁危旌沒亂葦霜月照空洲晚飯知何地塵風雁  
影稠

沃焦秋更熱噴薄下灤河眺望蛟龍窟微茫十九  
相傳唐太宗征高麗住此十九日地憐榆塞近人說釣臺多  
上海

多有太公釣臺侍側中男在雙江續舊歌

真欲窮荒外追隨節使行  
朝朝觀日出夜夜聽潮生  
浩蕩求僊志艱難徹土情  
何時沙磧裏提榼餉春耕

七里亦名海寒潭作鏡平  
數峰當岸秀雙鷺照波明  
漁艇通蒲泊村煙接柳城  
因思靜修句世累一

簑輕

七里海蒲泊柳城皆在昌黎

千里惟遵渚連峰又見山  
石林開鳥道雲海對禪關  
濤拍牛頭響巖留話石  
間秦碑淪沒久鷗泛自

沙灣

連峰山牛頭崖話石皆在撫寧

綿津山人詩集

卷十四 海上雜詩

三

傑閣從前代

山海關城樓

平看碧海流千年留碣石一

髮辨登州潮送斜陽落風傳絕塞秋  
倚欄聊咏志

俊鷗下荒洲

峰遍榆關起巉巖振策尋路危  
綠石齒寺古抱山心  
角山泉滴苔紋綻猿啼榭葉深  
暮天飛鳥外海

色碧沉沉

看松越孤嶺大壑啓山庭  
荒塞一痕白遙峰千疊  
清流泉靜宛宛伐木遠  
丁丁安得金鷗嘴提攜屬

茯苓

聞說懸陽洞秋雲隔幾重  
千層垂石乳四面繞蓮

峰疏沼養飛瀑推窗揖古松老僧年九十塞外自

鳴鐘

洞在關外

迴車肥子國涉水憶兪兒過雨空山路斜陽落葉  
時明刑傳父老開府繫安危灑淚還加勉寧惟愧

主知

先莊敏司李永平先文康開府畿左追攀來三世矣

大小經沮水青黃看栗林村孤煙窈窕邊近氣蕭

森攬轡當秋霽聯床感舊吟

憶灼弟也

中年幾哀樂那

禁二毛侵

高卧香山老家藏寒食詩涪翁原自重襖帖未云

奇宣示來村店摩抄埒鼎彛春江欲入戶還憶寓

綿津山人詩集

卷十四 海上雜詩

四

黃時

遷安劉魯一先生以東坡寒食詩真跡見示黃州余舊遊地也

啓聖傳孤竹清風異代存渚蘋田父薦社鼓廢祠

喧虛樹憑雲豁方舟次水門聽松斜日裏疑是海

濤翻

桂檝擊空明斯人共一清如何禋祀地偏洽嘯歌

情舉網素鱗活當杯纖月生因風寄錢起早使報

章成

謂介維

楸峪看雲過溫泉策馬還依然趨潞水無計入盤

山夢穩風濤外愁添簿領閒新詩如束笋燈下手

頻刪

楸子峪溫泉皆在玉田



讀海上雜詩偶成

王士禛

不見宋生久詩來海上峰  
振衣臨勃碣長嘯動  
魚龍孤竹瞻高節烏丸指舊封  
聽潮相憶處吟盡角山鐘

讀海上雜詩次牧仲用山谷韻

鄞縣周斯盛 此公

江州嘆車中閉置何其拘  
使君獨清曠官舍得疎疎  
鞦韆豈不殷未嘗廢讀書  
策馬歷山海浩蕩足自娛  
遐哉孤竹蹤荒矣秦皇墟  
萬象入新句奇懷一以舒  
暇尋招提宿飽食僧厨蔬  
洪濤

綿津山人詩集

卷十四 海上雜詩

五

送涼月毛髮濯冰壺庶幾赤石遊  
謝公乃其徒

綿津山人詩集卷十四終

綿津山人詩集卷十五

商丘宋 犖牧仲

漫堂草

秋日望盤山用山谷二月二日曉夢會於廬

陵西齋寄陳適用韻

隨牒作馬牛兒女鎖房闈朝來稍蕭散快值涼秋  
月庭槐垂陰濃不厭蟬響聒蔬畦聊支筇曠望渺  
城闕盤山排空來千巖迴秀發浩然遊興生輒欲  
着布襪五峰儼芙蓉蒼樹如髮往者此林巒卧  
雲得怡悅棲遲古中盤飽餐僧厨巖高吟答松濤

綿津山人詩集

卷十五 漫堂草

一

岸憤擊銅鉢連篇鏤肝腎誰能狀毫末還經瞭甲  
石愛聽泉活活今我蒞此邦一俗直到骨吏事有  
程期曾不失圭撮埋頭簿書間風騷謝鞭撻何期  
行藥餘忽覲煙嵐窟妙句佇英游庶無三獻則薄  
宦雖漫爾終愧廁簪笏他時紫蓋巔長歌采野葛  
冬夜留周杞公漫堂小飲用山谷答秦少章

乞酒韻

我本湖海客苦爲吏事拘眠食簿領內漸與文翰  
疎牙籤不觸手空羅千卷書之子遠見過寒夜留  
清娛新篇氣浩瀚如水奔歸墟故疾逢蝦蟹使我

嘯咏舒起步霜砌月更剪官園蔬漫歌驥伏櫪且  
爲傾百壺緬同蘇州宴還招騷雅徒

約與錢介維相晤

擬韋蘇州郡齋雨中與諸文士讌集用岷公

韻

恭承大藩地奔走靡餘閒一雨鈴閣靜小類丘壑  
間華池帶叢薄曲折堪躋攀賓從盡時彥文酒相  
往還招邀賦公讌藻思應劉班觴至輒復傾嘯傲  
開心顏經時掃地坐有如馬在閑鴻鵠天外慕簿  
領座上環疇能減獄訟高卧寧市闌煩襟滌流水  
清響來淙潺友聲余有求况聞鳥間關申章聊咏

綿津山人詩集

卷十五 漫堂草

志寄跡懷空山

秦皇島望海歌用子瞻題王定國所藏王晉

卿煙江疊嶂圖韻

渤海之岸聳斷山橫截巨浪排雲煙人言此是秦  
皇島廻岡輦道留依然白頭山僧葺古屋晨炊遠  
汲荒村泉危磯犖確帶沙石盪胸萬里開長川天  
吳出沒老蛟舞百靈彷彿驚濤前我來渝塞正秋  
晚蒼鷹叫侶摩青天鞞紋波細風忽止白鷗容與  
殊清妍俄傾變幻不可測歸墟豈必非桑田秦皇  
已去漢帝至孤臺野岸空千年蓬萊方丈在何許

一眉新月來娟娟解鞍脫帽便此佳砍松菴菽容  
高眠移情愛鼓伯牙操無須恍惚求神仙秦碑磨  
滅薜花繡誰能與結翰墨綠欲鞭蟄龍作海市良  
慚玉局登州篇

觀子瞻寒食詩墨蹟次其答舒教授觀所藏

墨韻

董文敏曾摹刻戲鴻堂帖  
中今在劉魯一先生處

書家三昧貴偶然右軍戲筆留隸几蘭亭再書便  
不佳千載風流傳片紙眉山人物岷峨高興至揮  
毫亦可喜刻藤半幅寒食詩玉環艷態真自比同  
時四家盡崢嶸不衫不履端讓此公惟意寄筆墨

綿津山人詩集

卷十五

漫堂草

三

先瓦池柿葉皆不鄙蛇蟠醉帖好事求敲門幾煩  
中夜起况茲春江入戶篇價敵元龜與象齒憶公  
困頓黃州年破竈濕葦輿隸取誰知禁錮徒爾爲  
一字一金固其理涪翁心折跋語公書則平原詩  
則李想當掀髯奮袂時元氣淋漓任驅使北平亞  
相博物才什襲雖多此最美寒宵遠道許借觀展  
卷光芒拱壁委戲鴻摹勒良苦心僅得皮毛遺骨  
髓起磨隄糜學雙鉤雪打窗櫺冰硯水

木瓜聯句

同錢介  
維兒至

嘉果美中州碩大懸楸木藪檀香勝棠烝栗色嫵

玉種處異東門摘日當西陸仲李生怪心空柰似

喜穉簇數枚燕公袖五株華林曲介實成壓哀梨維

花發值杏粥刪葉煩村翁綴枝駭園鹿至斗漫誇

赤萍卵或遺黃鵠蠻檀顆遜芳諫果品同肅仲鹽

山恨未登何賦快曾讀光怪金壘柯聲價珠傾斛

至曰瓜省鋤勞非棗惱鄰扑韻繼萬卉凋收比五

穀熟啄防大嘴烏蠹剔在桑蠟仲攀取得團圞拂

拭藉巾服至素商吹自幽青女飽更馥藥物宣城

良土賦杭湖足介裝疑海國珍權慮關門酷仲郵

遞競兼程稠載妙盈簾介聽鸝鄙一雙耀車當二

綿津山人詩集 卷十五 漫堂草 四

六懷橘自徒爾過江能化不仲濡澤佛手慙氤氳

仙掌出嶺恣至持贈燦篚筐護惜視寒燠仲磊砢

幽人喜饗餐稚子欲至盤盞位置高橙柑姊如屬

雖謝霜袖圓頗笑凍芋縮仲種憶黃臺分蔓匪朱

陵續蜜脾潤詎乾砂斑點未浴供訝緱氏埋削宜

公輸督介當俎菌蠹敲紫座霏微獨仲冰骨傲雪

霜膩色逞膏沐侑酌薰夕窗伴書媚朝旭至鼻觀

趁靜便手弄戒迫促仲釀酒和秫糝瘳痾薄參茯

至豈惟呈陸離兼能已拳蹙介夥薦傍畫屏醉攬

翻碁局釋名酢可餐御冬旨偕蓄仲酸苦愁客心

苞苴感末俗宛將梔蠟搏那異鬱金築介三復報  
琚篇相投莫碌碌仲

題錢舜舉畫牡丹次阮亭祭酒韻二首

一笑嫣然大小姑魏姚姿態未應殊春風吹起西  
京恨頭白溪翁寫舊株

紙上分明兩折枝雕欄浥露晚春時殷勤欲向朝  
雲寄愧少西崑艷體詩

蠟梅次阮亭韻

孤山幽韻出新粧瞥向深宮見靨黃解道能春水  
雪窟何須攔入百花場

綿澤山人詩集 卷十五 漫堂草

遊夾山寺用放翁瑞草橋道中韻

埋頭簿領無少暇奉檄東行馬一跨夾山之寺得  
得來曉望林巒郭熙畫老僧出戶驚龍鍾天女窺  
人儼姪姪全家避難憶曩時晨炊蕨麵然山拓重  
遊忽復四十年依舊寶坊草可藉膨脗槐腹倚斷  
碑欲隨雕甍一木架大青小青蜿蜒留尚畏春寒  
藏石罅余昔弱歲今二毛于役盤桓信天借雲峰  
丈室擬躋攀已抗前旌難稅駕臨風感舊詩易成  
寫向黃茅菴裏舍寺有大小  
青二峯

過明月山

冰泮迴溪響珮環煙林一簇鳥間關春風斜日小  
燕峽又見天邊明月山

龍泉亭恭步先文康原韻二首

何限低徊駐馬心方塘無復舊泉音蒼松怪石能  
相待向夕空亭取次吟

鼓棹難酬醉月心張琴且爲和松音微聞父老殷  
勤語還似先公擁鼻吟

春日寓遵化有感

燕塞重來感鬢絲斜陽衰柳動春姿嚴城擁節懷  
親日古寺挑燈哭弟時

時間弟  
所之變

父老有情相慰藉

錦津山人詩集

卷十五 漫堂草

六

雲山無恙但淒其驅車愧作觀風使勉和龍泉一  
首詩

從寺僧借楞嚴經

經時俗韻得針砭白板禪扉月影纖三尺文書且  
高閣却從老衲借楞嚴

龍山寺

寂歷龍山寺山形似擺旗門開黃石亂殿倚碧峰  
敲迸砌樹空腹撩人花滿枝春風正駘蕩蠟屐任  
吾之

遊五峰寺二首

刻意作勝遊蕭辰歛晴靄五峰逼窮邊丘壑莽奔  
會無終固擅名茲山足兩大首路緣礪脣水石相  
映帶青松膏沐新延望殊蔚蒼層巒抱花宮不異  
營丘繪簷楹肅而幽峯崔嵬壓紫蓋鴨脚輪困奇直  
上虬松最何物清客心長空響竿籟虎嵒有遺踪  
鷄石迴荒昧登探無限佳小憇飽粗糲振策凌絕  
巔人影落塞外山鷓戛然鳴踟躕發深嘅無終山  
各紫蓋  
峰虎嵒鷓鳴石  
俱五峰之勝

披榛下寄峯塔院尋古屋曲磴作蛇盤咫尺迷林  
麓姚秦碑版三石幢字堪錄金元彈指間摧折如

綿津山人詩集

卷十五 漫堂草

七

斷轂栗殼刺芒鞋扶持困童僕脫帽榭葉庵四顧  
軒窗樸山僧不出山見客同驚鹿萬松足怡情徑  
不種花竹淹留聞磬聲還爲設茗粥憶昔榮戟臨  
題詩愛幽獨趨庭余稚齡左右奉巾幅今疑隔世  
遊有子相追逐飲酒大父風和歌頗能速人事幾  
推遷繕性嗟難熟彌勒願同龕丈室那更築一燈  
對楞嚴妙香來空谷子至  
侍行

堯花寺弔李光四處士用宋趙師李壁間韻

幽絕招提境嘉名自昔云陽崖疎樹映大壑亂淙  
聞日暖催紅杏堂空養白雲鹿裘邈何許猿鶴尚



思君

處士名孔昭薊州人明進士高隱常往來此寺

重遊盤山七首

盤山如盤龍舊名爲四正幽燕之奧區百里勢奇橫五峰插碧天羣岫如奔命我行越薊丘曠望迴生敬趣途隨山樵短筇喜孤勁千像凌晨經樹石莽疎映矮塢儼衆僧導客來相競靈椿學虬松法界殊清淨澤鉢失淪漪搖石具情性登攀忘渴飢亦未暇吟詠頰首紫蓋峰會當持其柄

千像寺有澤鉢泉搖

石動

去去遵山麓溪谷何威遲芒鞋鬪石齒竚立宜輕

綿津山人詩集

卷十五

漫堂草

八

颶迴岡穿老屋零落餘呆思艾而張網羅禍機嗟虞師盤泉響珮環隔嶺聽愈奇旣至得舊觀太息水之涯照影驚皺面仍不改漣沍中盤白塢院少林紅龍池停屐還振策胸已無險巖山心探初地天藻仰穹碑道人知我來爲我掃茅茨松石知我來爲我發幽姿所恨春尚早杏萼閱華滋經壇少淹泊東菴榛還披月明嘯高閣願與山靈期

萬壑激松濤空山黯將夕失道困蒙茸蒼耳時一摘餘劄勢搏人却步憐蹠躅稍循迳紆未怕層巒隔人語驚栖禽老鶴聲格格聞鐘投寶坊片月

簷際白登臺撫長松天畔留岸幘鄰僧邂逅逢茶  
話意良通河漢手可摩猿掛看林隙靈境清心魂  
欲卧不安席頭陀催閉門云有虎行迹此首謂  
慧業庵  
遊山如啜蔗佳處得以漸萃律掛月峰磴道一何  
險孤墪入雲汀殿閣聳巖廣探奇並鳥飛耳畔罡  
風颭積雪明皚皚晴靄間冉冉幽礪藏上方禪扉  
日夕掩老僧雖屢邀未去同回剡捫藤勞抗尻狂  
叫等驚魘嶺脊得少休聖燈想光閃佛牙禮金棺  
捧視意還歎盈盤薦棗梨地僻僧厨儉嗟余攜幼  
來非向金仙詔愛作八極遊齊煙看九點

綿潭山人詩集

卷十五 漫堂草

九

昔余吟五字幽賞企青溝凌風越西嶺攔入麋鹿  
遊谷口訪邃洞門閉巨石留何時名將軍古薜纏  
兜鍪異鳥靜相語聲比山呼鳥名優松鼠竄窸窣聲  
尾招其儔顧盼出叢薄花宮臨荒陬茅屋八九間  
彈琴藏湯休新詩感祭酒謂阮  
亭奚啻珊瑚鈎黃精  
潤齒頰名畫清人眸觀趙文敏  
襄牖圖幾年緝山志往牒  
窮冥搜遺世幸同調矢口談莊周誰謂白蓮社高

風獨千秋

此首爲  
拙庵賦

遊興動枯禪偕我登疊嶂煙嵐青冥濛斷續來樵  
唱幽處衛公菴松石訝殊狀位置造物工左右恍

揖讓崎嶇到寺門，劍臺屹相向，纔聆梵放幽旋策。  
登高杖蘄絕苔壁，橫徐綠石脉上篝火尋題名畫。  
腹辨字樣新月正如舟散髮一疎放，人生蟻旋磨。  
今夕愜微尚，四山響木魚清切聞法藏。寺名風起海  
雲鋪從師問真妄。

曉起問歸路，天城寺名經山隅，如行鐵堂峽石氣侵  
肌膚，嘉果不知數千章，雜槐榆林端響啄木顏色。  
憐衣襦幾日天，杳開想見絕代姝，峭壁壓臺殿，詎  
與屏風殊。松篁紛點綴，摩詰當能圖，涓涓山脚泉，  
一寺皆露濡，折松作麈尾，酌泉貯銅壺，歸示華亭。

綿津山人詩集

卷十五

漫堂草

十

客介定恨不並驅簿書行，委座柳栗何時扶。

登豐臺太乙閣

海濱樓閣上清居，碧瓦金莖落照餘，幔捲靈風開  
玉座，鼓喧春社駐雲車，明禋待舉甘泉祀，宵火曾  
窺子政書，倚檻長空數歸鳥，楚詞哀怨憶三閭。

朝鮮牡丹

花葉羅羅傍檻披，也從穀雨鬪芳姿，沉香亭暖柯  
全改鴨綠江，空種乍移苞，奪臙脂，明霽日穗分瓔  
珞，颺微颺，慙慙一剪穠，春色會遣朝雲識，此奇。

送友人歸蘇門二首

送子故山去蘇門尋嘯臺遺音想鶯鶴古屋掃莓  
苔砌下百泉沸窗中千嶂開飄然欲一往惆悵離  
筵杯

平生懷有道引領夏峰村

謂孫鍾元徵君

爾去粉榆社還

經薜荔門清風留夢寐白首課兒孫揮手潞亭畔  
綠槐晴鳥喧

夏日喜吳天章見過即次其貽介維韻以贈

觸目潞亭無一可盤山且喜在東郊觀河只媿蕭  
騷鬢種菜常思大小巢座上故人談娓娓枝頭好  
鳥聽交交匏杯醉向南榮卧未利香風過枕凹

綿津山人詩集

卷十五

漫堂草

十一

遊聖泉

泉在密雲南山下志稱聖水鳴琴感南塘常遊此

石窟雙泉吐迴波蔭碧林淒清如裂帛

京師西山有裂帛湖

蕭瑟自鳴琴破寺鐘聲和荒渠蘚色侵老僧談往  
事小隊此招尋

登冶山尋仙人洞用元王璉訪徐良夫韻

千役經檀州禪房養愁疾行藥尋林巒自顧負奇  
癖冶仙有遺構塔院看歷歷風榛蔽鳥道紆曲轉  
巖石絕頂縱遐矚連峰更攀陟龍劍去已久燈光  
傳靈跡崖敲若堂隍古洞玉潭寂跼蹐盪漱餘境  
異心有得振衣望窮邊千山黯將夕彷彿霄漢間

笙鶴忽來覲

綿津山人詩集卷十五終

綿津山人詩集

卷十五 漫堂草

士

綿津山人詩集卷十五終

漫堂草

綿津山人詩集卷十六

商丘宋 犖牧仲

漫堂倡和詩

漫堂與朱悔人夜坐出示曾青藜周青士詩

箋即用青士鐵舟讌集韻

花發傍地爐斗室安且燠隔牖聞驚風冰折階下  
木歲晏鎖印餘來對萬卷宿高談得夫君偃仰愜  
所欲碑版窮籀斯名畫亦在目時話匡廬遊緬想  
康王谷更投處士篇敢不拜命辱冷然金石聲厥  
品維嶽瀆放懷聊和歌跋燭頗能速何異登鐵舟  
綿津山人詩集

卷十六 漫堂倡和詩

吟社一再續呼童滌匏杯漉酒

出豐潤

漱灑屬清琴

座間橫古調宜共勗

奉和前韻

潛江

朱載震

悔人

迭謁觀四運久旅忘寒燠攬衣向空階雪光揺落  
木短檠几閣熒晚霧層檐宿有懷歲將晏沈吟同  
所欲圖史恣幽探燦然豁心目時復憶貧交諮訪  
到巖谷梅里與易堂處士名不辱愛才有如公廣  
大同嶽瀆翻念經年別時序何太速迢遙東南望  
高會幾時續大雅今未墜舉杯爲公屬裁詩寄二  
子今德永相勗

甲子除夕同悔人賦用曹升六舍人贈基兒韻

當今天子龍鳳姿坐致太平民物熙上陵瑞雪  
孝思感豈必甘露麒麟芝沿牒良愧此卧理維齊  
蓋公真吾師香凝畫戟遡先烈兩世姓字豐碑遺  
瞻言祖德咏迪志循墻而走潮河湄竭來歲序類  
轉轂千門爆竹聲相隨一時賓從得老輩掀髯抵  
掌談風詩願與周旋屬橐鞬松陵皮陸堪繼之自  
顧往往出下駟敢分壇坫稱工倕漫堂守歲燔兔  
首明燈積雪光離離盈觴溲酒莫遽醉五更三點  
起祝釐憶昔飲飛值此際執戟恒拂宮花枝祇今  
短髭白頗鑷但未龍鍾來嘲譏盤山老衲屢招我  
咫尺不去將何爲春風幾日杏花發相期濯足紅  
龍池

奉和前韻

載震

雪消河柳搖春姿千門餽歲紛熙熙溲勃俱收走  
牧監誰辨赤箭同青芝凡魚作伴蟄汗瀆激流安  
得逢川師漫堂先生雅好士旁搜汎愛無遐遺往  
共論文金臺側招攜復向潞水湄孔李通門交最  
篤更得小宋相肩隨

謂德

守歲蕭齋竟何事焚香

酌酒一祭詩爲政風流迴不易才名節操將兼之  
如余樗散成棄物雕鐫寧意煩工徒刻燭連吟鬪  
健捷宛拂太阿騷纖離君家三世秉旌東郊舊  
德傳保釐焱民淳風今再覩塗謠式聽據槁枝丈  
夫致身期不朽直道在人馮褒譏天達蕩誅修且  
廣朝翔馳驟任爾爲歌罷銅龍欲報曙栖烏炬散  
飛差池

除夜懷王阮亭少詹黃湄黃門奉使嶺南  
用青藜依園讌集韻

空階雪氣逼簾清又聽他鄉爆竹聲鬪箸冰魚當  
綿津山人詩集 卷一六 漫堂倡和詩 三

燭眺浮蛆漉酒入脣輕興餘湖海慚初服醉逐兒  
童開晚晴惆悵故人趨嶺表梅花香裏是王程

和前韻兼懷阮亭黃湄兩先生 載震

早梅香發入筵清風送街頭臘鼓聲盤點熊肪和  
釀滑爐燔松火覺寒輕關心別歲聽宵漏極目朝  
正問曉晴最憶海南奇勝地二王名紀往來程

齋中三詠

松雪齋集

雅願終身作蠹魚吳興集刻至元初華亭小記增  
珍重不數虞山舊漢書



西園公子琴

夏邑彭堯論

當年公子號知音也學中郎爨下尋今日登牀彈  
一曲西園風調未銷沈

萬道人草書

徐州萬壽祺

年少襟期並鐵厓偶然賣字坐中街剡藤半幅山  
僧寄醉墨淋漓亦復佳

和前韻

載震

松雪齋集

花溪沈氏刻

卷帙尋常厭魯魚一編精絕校讐言初吳興文字花  
溪刻堪作淮南枕內書

綿津山人詩集

卷十六

漫堂倡和詩

四

西園公子琴

敖嘈誰復解遺音彭叟風流尚可尋怪底漫堂偏  
愛惜摩抄常到夕陽沈

萬道人草書

健筆蒼藤掛斷厓昔年價重洛陽街即今落落無  
多字道是斯人便已佳

盤山拙菴道人書來有黃葉飄空白雲滿地  
之語賦此荅之

白雲流地滿黃葉向空飄似此道人句寧殊叢桂  
招聞鐘眠佛閣隨鹿過溪橋何限曾遊處分明入

夢遙

和前韻

載震

聞說盤山裏春風杏亂飄會須匹馬去不待老僧  
招明月紅龍沼青松白板橋薊門連潞水東望未  
曾遙

冬日寄牧仲觀察

秀水 朱彞尊 竹垞

今年燕臺數雨雪雪晴九陌吹回風欲鳴不鳴曷  
且鳥得過且過寒號蟲茸裘已敝庫尚典濁酒苦  
貴樽長空故人念我儻分贈薊門白炭盤山菘

次韻奉荅

綿津山詩集

卷十六

漫堂倡和詩

五

故人羈栖在輦下杜門委巷嗟霜風曰歸正須賦  
緩緩小飲且爲呼蟲蟲書來大雪歲聿暮劍舞永  
夜愁難空他年燒筍竹垞去飽餐那羨吳江菘

和前韻寄家竹垞先生

載震

潮河京東四十里往來策蹇衝寒風置身頗慚類  
刻鵠過日訝許甘彫蟲千觴落手興不淺數帙滿  
案囊寧空春盤待我走相聚黃芽脆並江南菘

人日出郭從響水牯過南溪寺觀先文康詩

版晚至觀音禪院同悔人用虞山先生自拂

水至吾谷尋南巖諸勝韻

時兒基孫  
如金侍行

人日新霽宜遊騁飯罷兒童再三請東郊策馬一  
放懷何必深林與峻嶺河冰將泮沙路融昨日風  
霾息餘猛曲渚挑菜流光催叩首天涯嘆浮梗晴  
雲斂盡氣乍暄擬脫敝裘兼露頂城隅響牖翻瀑  
花匡廬開先到俄頃霆飛雷鬪耳欲聾大是奇觀  
要細領廻堤迤迳野意多老樹長河背萬井吏人  
莫進賓從佳旁午盤桓忽斜景招提訪舊采愚傾  
削磴雖存待重整周旋杖履三紀餘版上一詩還  
記省如人短柏誰手栽不見叅天舊文杏傷心斗  
室繩牀懸那得老僧同說餅壯歲已過訝抱孫仍

綿津山人詩集

卷十六 漫堂倡和詩

六

啜香臺一甌茗低徊欲噪林際鴉更尋南鄰初地  
靜水精域裏欣慕生禪理貿然金在礦天童老人  
夙所欽詎意空堂覩留影龕前再拜思皈依如汲  
深泉乏修綆起登佛閣臨沙灣雲水瀾漫與天永  
無終山色拂地來儼對佳人晚粧靚言歸衙齋閉  
戶吟簿書且喜早春屏側理狂草作蛇盤蠟梅吹  
香燈炯炯此情惟有朱髯知寧顧傍人怒生癭

奉和前韻

載震

野性從來愛縱騁聞說出遊不待請過歲三日天  
氣和並轡東郊踰沙嶺草場之西牖流飛驚颺振

林恣怒猛佇立俯矚逝如斯蒼茫身世等萍梗盤  
渦不減玉淵潭泐滂恍陸黃巖頂長河彌望凍不  
開日眩冰稜光千頃囂氛撲面苦趄起幽意忽接  
心已領此間勝賞人不識徒嗤躡躡窺深井坡陀  
小逕廢寺通荒臺獨樹駐靈景巋然有版塵中懸  
詩律清嚴字斜整相國風流宛在目年華逼人發  
內省倚簷顧瞻原上村指數開田時望杏萬戶兒  
童走踈踈拍手招呼啖煎餅僧貧竟爾學入俗文  
康難入俗句延賓升堂陳果茗導我郭南二里餘禪

緡津山人詩集

卷十六 漫堂倡和詩

七

礦登閣喜甚無纖翳殘照澹欽遙峰影欲向老宿  
問無生怙悵臨淵但眠綆晚歸摩搯典不孤華軒  
張燈遲漏永回首訇砰早雷奔還憶螺黛晚妝靚  
樂哉此遊殊堪紀點筆操紙異慮屏公倡我和渾  
忘疲起視窗外星炯炯銜杯一讀一擊節且凭藤  
輪敲柳瘦

春日過水月菴同悔人用阮亭少詹壁間韻

時攜錢舜舉  
牡丹卷同觀

霽景佳甚停風沙首春遊屐趁放衙寶坊城隅不  
數武清泉疎樹飄香花追隨上客愛幽絕琴樽聊

共開士家間房沈約有題字

謂繹堂  
宮磨

疥壁誰使參

塗鴉霄溪名筆出行篋  
斐几爛熳留奇葩  
殘陽數尺掛籬落  
僧雛屢進雷鳴茶  
高歌起舞逞狂態  
法鼓取作漁陽攄  
禪栖遲暮學摩詰  
昔癢奚事麻姑  
爬南湖簑笠故無恙  
引領天末生咨嗟  
黃昏杳略還小住  
女墻一抹明輕霞

奉和前韻

載震

我今尺蠖蟠泥沙銷磨歲月空  
衙衙公是老梅凌霜雪  
春風一拂開繁花  
晝間興發何所適  
攜我步履來僧家  
祇林逕僻人跡掃  
窺簷時見飜  
慈鴉翦

綿津山人詩集

卷十六

漫堂倡和詩

八

綵作供盈百卉燦若陀羅飄  
天葩壁間新城盤硬句味  
並橄欖蒙頂茶清言高詠  
日卓午遠聞街鼓紛摻搗  
鄉思忽動不可極纏身坎  
壑煩搔爬搗來霄溪寫生  
筆展對快意相稱嗟云胡  
不歸故園裏飽看鹿韭  
紅霞

漫堂先生過海門出示倡和詩即用入日出郭韻題卷尾

蒲州吳

震

天章

憶昔少年尚馳騁頭顱四十愧朝請  
已知不是宰官身自分常依居士嶺  
騰擲休任獼猴狂精

進當學獅子猛其如積習喜文字有類柔秭發  
枯梗丹經一笑帛裏鬚皂帽幾顏墨淋頂惟信  
胸中少鱗甲峨嵋雪水一千頃食貧廿載成遠  
游世態低昂暗知領本性往往受拘縛厄則鏡  
困蛟龍井入洛安得比鄒枚懷沙只可弔屈景  
公也威鳳知鸞飢作歌傷我羽毛整更念瑯琊  
及安德殷殷慰藉常記省細雨空懷野寺梅春容

雨中王阮亭先生  
約看花善果寺

炎風幾憶巖關杏

謝方山先生有杏村

讀書圖賦  
詩甚多

誰知羈栖東海邊公來同啖雲門餅

兼云勝友朱桃椎衙齋鬪韻奪香茗攜將佳句

綿津山人詩集

卷十六

漫堂倡和詩

九

爭上駟貪誦偏宜春夜靜才力韓孟各分疆交  
情盧馬同一曠歸來長嘯驚神魚月明棹撥琉  
璃影我亦虬竅發蠅聲却使珪璋束藤屨公言  
明朝當早發使我延望愁日永舉首高天雁正  
過島嶼蒼茫晚猶靚移情是處感成連塵慮喧  
囂一時屏故人己去鄉思深夢入通天見沈炯  
低頭重懺起滅心水本無波木無癭

綿津山人詩集卷十六終

10750

